

1. Ang Kasaysayan ni Jesus

Ang kasaysayan ni Jesus
Isaysay mo kanako
Ug ang tanan isulat mo
Sa kasingkasing nako.
Miawit ang manga anghel
Sa dihang natawo S'ya,
“Himaya sa Dios sa langit
Ug kalinaw sa yuta.”

*Ang kasaysayan ni Jesus
Isaysay mo kanako;
Mahipatik unta kini
Sa kasingkasing nako.*

Sa awaaw nagpuasa
Nga nag-inusara S'ya
Ug didto gitintal Siya
Apan wa makasala.
Idayag ang binuhatan
Ug ang kalisdanan N'ya;
S'ya gitamay, gisalikway
Ug gisakit pa nila.

Sa gilansang Siya sa krus,
Kasakit giantus N'ya;
Idayag ang kamatayon
Ug pagkabanhaw Niya.
Ang dakung gugma ni Jesus
Tataw kanako karon;
Tungod kanako nag-antus—
S'ya akong pagasundon.

tune→ (1. Tell Me The Story of Jesus)

2. Si Jesus Lang ang Balita

Si Jesus lang ang balita
Nga atong imantala;
Kanunay natong ituboy
Ug dalayegon Siya.

*Si Jesus ug Siya lamang
Maoy atong awiton;
S'ya ang atong Manluluwas,
Haring palaabuton.*

Si Jesus ang Manluluwas,
Gipas-an, atong sala;
Kusog ug pagkamatarung,
Kanato ihatag N'ya.

Si Jesus mao ang gahum
Sa mapainubsanon;
Dili kita magkaluya,
Kita Iyang lig-onon.

S'ya ang Ginoo ug Hari,
Kaniya mosugot ta;
Ang tinguhag tuyo nato,
Ipasakop Kaniya.

tune→ (10. Jesus Now And Jesus Ever)

3. Dugangi Ang Kaalam Ko

Dugangi ang kaalam ko
Sa kinabuhi ni Cristo
Ug sa dakung gugma Niya
Nga kanako gipakita.

*Ihayag pang bug-os
Kanakano si Jesus,
Ingon man ang dakung gugma
Ug bilihong pagtubos N'ya.*

Dugangi ang pagsa bot ko
Sa kabubut-on ni Cristo;
Tudloan mo akong lubos
Sa panig-ingnan ni Jesus.

Dugangi ang kaalam ko
Sa manga pulong ni Cristo;
Ang pagadunggon ko S'ya ra,
Tumanon ko ang pulong N'ya.

Dugangi ang pagsabot ko
Kang Cristong naa sa Trono,
Ang Haring palaabuton
Ug ang bahanding langitnon.

tune→ (2. More About Jesus)

4. Mosulti Ka Kanako

Mosulti Ka kanako
Sa Imong kalomo,
“Di ka pagabiyaan”,
Isulti, Ginoo.
Ang akong kasingkasing
Mamati Kanimong,
Pun-a sa pagdalayeg,
Magalipay ako.

*Karon, mahal kong Cristo,
Isulting matin-aw,
“Modaug ka kanunay,
Luwason Ko ikaw.”
Sa adlaw-adlaw, Jesus,
Imong pamatud-an
Ang pulong Mo kanako,
“Dili ka biyaan.”*

Kami Imong agakon
Sa balaang dalan,
Pun-on Mo sa kalipay
Ug sa katagbawan.
Sa tanan namong adlaw,
Pagahalaran Ka
Sa among kinabuhi
Hangtud makita Ka.

Kanhi gipadayag Mo
Ang kabubut-on Mo,
Mao man unta karon,
Idayag kanako.
Ang akong katungdanan
Pagatumanon ko
Aron mahimaya Ka
Sa kinabuhi ko.

tune→ (231. Speak to My Soul)

5. Gihigugma Natong Bug-os

Gihigugma natong bug-os,
Dalang gilaktan ni Jesus—
Niini nagapanaw ta
Padulong sa puy-anan N'ya.

*Hingpagan nato kang Jesus
Ang dalang pai ngon sa Dios,
Samtang may kinabuhi pa
Magmatinud-anon kita.*

Tingog N'ya atong nadunggan
Sa dapit sa kamingawan,
Ato na karong nasayran
Matam-is ang kata pusan.

Gikaloy-an Niya kita
Sa naglibod ta sa sala;
Sa kahayag gidala N'ya,
Pagadaygon nato Siya.

Ang bukton N'ya kasaligan
Bisan ang kaaway kusgan;
Iya kitang panalipdan
Hangtud man sa katapusan.

tune→ (32. We Love the Perfect Way)

6. Tungod Ba Gayud Kanako?

Tungod ba gayud kanako
Migikan si Jesucristo
Sa trono sa kalangitan
Sa paghatag kaluwasan?

*Oo, tungod man kanako
Mianhi si Jesucristo,
Ang Hari ug Ginoo ko
Namatay tungod kanako.*

Ang anghel nagpahibalo
Sa Bethlehem S'ya natawo,
Gipahigda sa pasungan—
Ako kaha ang hinungdan?

Sa ulahi N'yang gabii
Nag-ampo sa Getsemani,
Natugob S'ya sa kasubo—
Tungod ba gayud kanako?

S'ya gilansang nila sa krus,
Ang kapaitan giantus,
Giula ang Iyang dugo—
Tungod ba gayud kanako?

tune→ (8. Was It For Me?)

7. Sa Tiilan ni Jesus

May dugmok nga kasingkasing
Sa tiilan ni Jesus,
Nagapamati Kaniya,
Kalipay nato, bug-os.
May kahupay sa pagsulay
Ug kalig-on sa tuyo,
Kasingkasing ginapuno
Sa gugma sa Ginoo.
Kasingkasing ginapuno
Sa gugma sa Ginoo.

Matag adlaw, kinahanglan
Sa paglakaw sa dalan,
S'ya tagan-an ug panahon,
Atong patalinghugan.
May kusog sa pakigbisog,
Kasingkasing nalig-on;
Sa pagkamatimumanon,
Kita magmadaugon.
Sa pagkamatimumanon,
Kita magmadaugon.

Pilion natong mosugot
Aron kahimut-an N'ya;
Kita Iyang pagapun-on
Sa Espiritug grasya.
Tingog N'ya atong madungog
Samtang Siya kauban;
May bug-os nga panalangin
Sa Iyang kaambitan.
May bug-os nga panalangin
Sa Iyang kaambitan.

tune→ (61. Sitting at the Feet of Jesus)

8. Pagkaputli Sa Mga Pulong sa Dios

Pagkaputli sa manga pulong sa Dios,
Ginamahal ko nga bug-os;
Kahayag sa agian ug tiil ko
Hangtud ang panaw matapos.

*Mahal pa kay sa pilak kun bulawan,
Bililhon pa kay sa rubi
Ang maglingkod sa tiilan ni Jesus
Ug Kaniya magpamati.*

Dalan sa Ginoo makalilipay
Kon S'ya ang magmamando ko;
Ang pulong Niya dunay kinabuhi
Ug matam-is sa kalag ko.

Magpatalinghug ug magsugot ako
Sa akong haring si Jesus;
Ginamahal ko ang manga pulong N'ya,
Dalayegon ko S'yang bug-os.

Kasingkasing ko magmalig-on unta
Sa manga kasugoan Mo
Ug sa pagpamalandong niini, Dios,
Dasiga ang ulipon Mo.

tune→ (29. God's Word Is So Pure)

9. Nakaplagan Namó si Cristo

Kamong manga nagapangita
Kang Jesus ug buhat N'ya,
Kanamo makiglipay kamo
Kay nakaplagan Siya.

*Nakaplagan namo si Cristo
Ug karon malipayon kami;
S'ya ang balita sa manga propeta,
Hari sa manga hari.*

Kamong gigutom ug giuhaw
Sa buhing pulong Niya,
Makiglipay sa pagpaminaw
Sa Maayong Balita.

Si Cristo nga nagwali kanhi,
Nagapuyo sa tawo
Ug S'ya uban sa pagpaubos,
Nagaduol kanimo.

Ibalita nga may kalipay,
“Nakaplagan namo S'ya,”
Hangtud ang kalinaw maangkon
Sa tanan nga nangita.

tune→ (30. We Have Found Him)

10. Patalinghugan Ninyo

Patalinghugan ninyo
Ang tingog ni Cristo;
Abli ang Iyang pultahan,
Mosulod na kamo.

*Nagatawag S'ya,
Patalinghugi;
Pagasirhan N'ya unya
Ang pultahang abli.*

Sa may tubig nga buhi,
Nagahulat Siya;
Hangtud sa way katapusan
Abyang matuod S'ya.

Igo ang Iyang gugma
Ug ang kalinaw N'ya;
Pagatagbawon N'ya kamo
Sa pakig-ambit N'ya.

Gikan sa kasal-anan
Pasayloon kamo;
Namatay S'ya sa Calvaryo
Tungod lang kaninyo.

tune→ (155. Incline Your Ear)

11. Ako May Matuod nga Abyan

Ako may matuod nga Abyan—
Nagahatag S'yag katagbawan,
Kalipay sa kasingkasing ko
Ug pagdaug sa kaaway ko.

*Dugangan Mo ang gugma ko,
Labi kong mahalon ang pangabyan Mo;
Ihayag sa manga tawo,
Tinuod nga Imo ako.*

Ang dalan N'ya buot kong laktan,
Kasingkasing ko Kaniya lang;
Gikan sa akong kasal-anan,
Iya akong ginahugasan.

Samtang may kinabuhi ako,
Magakamahal S'ya kanako;
Si Jesus ang akong saligan
Karon ug sa way katapusan.

tune→ (75. I've A Friend)

12. Kon Maangkon Ko

Kon maangkon ko ang tanang butang
Apan wa akoy kaluwasan,
Mahimo kaha nga magkalipay
Sa manga butang nga molabay?
Bisan ang tanan nga kalipayan
Nga ania sa kalibutan,
Dilimahimong itandi nato
Sa kinabuhing dunay Cristo.

Kon ang bahandi akong maangkon
Ug ang ngalan ko pagadaygon
Apan way malig-ong malauman
Ni dalangpanang masaligan;
Ug kon ang tanang butang maako
Apan si Cristo wa kanako,
Ang kalag ko ba may dalangpanan
Ug kalipay sa kagul-anan?

Ang naa kang Cristo malipayon—
Ang samaran pagaayohon,
Ang makasasala pasayloon
Ug ang masulub-on hupayon.
Bisan kabus ug tinamay ako
Apan kon si Jesus maako,
Ang tanan nga anaa Kaniya,
Kanakano igahatag Niya.

tune→ (49. If All Things Were Mine)

13. Kinsay Hari sa Tanan?

Kinsay Hari sa tanan,
Paglaum, ginatanyag?
Sa Iyang kamatayon
Giluwas imong kalag.
S'yang adunay tinguha
Mopuyo kauban N'ya.

Kinsa S'yang nagapugas
Sa manga buhing pulong
Sa imong kasingkasing
Kon ikaw may pag-uyon?
Kon S'ya paharion mo
Kadaugan maimo.

Kinsay Hari sa tawo
Nga gidid-an sa yuta
Nagahatag kahayag,
Paglaum sa nawala?
Ginapahiduol N'ya
Ang gingharian Niya.

Si Jesus maoy Hari—
Dawaton mo S'ya karon.
Sa imong kasingkasing
Siya ang paharion
Aron makapuyo ka
Sa gingharian Niya.

tune→ (55. Who is He, the King of Kings?)

14. May Usa ka Gingharian

May usa ka dimahanaw gingharian
Sa katarung, kalinawg kalipayan;
May katahum ug bahanding di molubad–
Duol kanimo kining gingharian.

*Siyang nagahari, panalangin ka;
Kaniya moampo ug mosimba ka.*

Niining gingharian, adunay Hari,
Kasingkasing mo, buot N'yang harian.
Takus gayud S'ya ug hingpit sa kaalam,
Sa kagahum ikaw Iyang hatagan.

Karon, ang Hari nagapangitag trono
Aron kini, sa grasya N'ya, mapuno;
Ayaw paglangan, S'ya nagapangamuyo–
Kining trono maoy kasingkasing mo.

tune→ (51. There Is A Kingdom)

15. Ipugas Mo ang Pulong N'ya

Pulong ni Jesus, tam-is ug putli-
Sama sa binhi, ipugas mo;
Suginli ako sa pulong Niya
Aron mabuhi ang kalag nako.

*Ang pulong N'ya, ipugas mo-
May kinabuhing alang kanako.*

Bililhon gayud ang pulong Niya,
Mapailubong magpugas ka:
Isaysay ang Maayong Balita-
Paglaum kong mahimong anak N'ya.

Isulting bug-os ang balita N'ya;
Ang katahum N'ya ipakita.
S'ya pilion ko samtang buhi pa
Aron kanako maghari Siya.

tune→ (62. Sow the Word)

16. Ang Pagluwas sa Dios

Kanunay buhat sa Dios nga luwason
Ang tawo sa pagkamalinapason;
Walay lain, kini ang gitanyag N'ya—
Diha kanimo, si Cristo makita.

*Mao kining pagluwas sa Dios—
Magpuyo kanimo si Jesus.
Ipadayag mo ang Ginoo
Sa manga pulong ug binuhatan mo.*

May manga tawong nanagdahum gayud,
Sa pagkabuotan, langit makab-ot;
Apan kinabuhing wa usba sa Dios,
Way paglaum makig-uban kang Jesus.

Abyan, kon matuod kasingkasing mo,
Himoa si Cristong imong Ginoo.
Ayaw kahadlok, ipadayag Siya—
Ang gahum maimo kon moampo ka.

tune→ (35. God's Salvation)

17. Sumunod Kanako

“Sumunod Kanako,”

Miingon ang Ginoo.

“Ikaw, pagaagakon Ko
Ug mahimong amahan mo
Kon sundon nimo Ako.”

“Sumunod Kanako—
Pahulay maangkon mo;
Bahandi ug katagbawan,
Walay sukod kang hatagan—
Kon sundon nimo Ako.”

“Sumunod Kanako.
Unta nga tagdon nimo—
Gipugas, maoy anihon,
Unsa ang imong dawaton?
Anak, sundon mo Ako.”

Mosunod Kanimo,
Nganong dumilian ko?
Gipangita, gilukat Mo
Ug Imong gidawat ako—
Mosunod na Kanimo.

tune→ (84. Follow Me)

18. Si Jesus Dili Magbag-o

Ang Maayong Balita matam-is kaayo—
Si Jesus mao sa gihapon way pagbag-o.
Nahigugma S'ya sa manga makasasala
Ug sa manga masulob-on nagahupay S'ya.

*Ang tanan naga bag-o apan di si Cristo
Hangtud sa way katapusan, dili magbag-o.*

Ginapangita ka sa Abyan sa may sala;
Duol na ug sa tiilan N'ya, mosimba ka.
Dili ka Niya hukman, sala biyai na;
Ginatanyag N'yang kapasayloan, dawata.

S'ya nga milakaw sa dagat samtang may bagyo,
Makapalinaw gyud sa kasingkasing nato.
Ang nag-ampong mainiton sa Getsemani
Nakigduyog kanato sa atong gibati.

tune→ (16. Yesterday, Today, Forever)

19. Kinabuhing Dayon

Tungod sa manga palas-anon,
Daghan ang nagakasubo;
Maangkon nila ang kalipay
Kon sundon nila si Cristo.

*Kinabuhing dayon,
Si Jesus ray nagahatag;
Sa madagayaon
Iya gayud nga ihatag.*

Ngano mang imong ginapas-an,
Kapakyasan ug kasubo?
Ang kasingkasing mo ablihi
Ug ang kalipay maimo.

Biyaan mo ang kalingawan
Ug sala sa kalibutan,
Moduol sa Buhing Tuburan
Ug S'ya imong alagaran.

tune→ (48. Abundant Life)

20. 'Mari Ka, Sunda Ako

Nagaingon ang Ginoo,
"Mari ka, sunda Ako;
Giantus Nako ang tanan
Alang gayud kanimo.
Nasayran Ko nga ang unod
Maluyahon mang tinuod;
Sa patag ug manga bungtod,
'Mari ka, sunda Ako."

"Bisan ikaw nakasala,
Ako magapasaylo;
Kon naa ka sa kalisud,
Motabang gayud Ako.
O motoo ka Kanako,
Ang nangagi, kalimtan mo;
Ang luha mo pahiran Ko,
'Mari ka, sunda Ako."

"Imong itugyan Kanako
Manga kabalaka mo,
Sapnayon Ko ang dala mo;
'Mari ka, sunda Ako.
Sa tanan nimong pagpanaw,
Pagamandoan ko ikaw
Ug maimo ang kalinaw;
'Mari ka, sunda Ako."

tune→ (82. Come, Follow Me)

21. Nagaagi si Jesus

Aduna bay kasingkasing
Nangandoy ug pasaylo?
Paminawa ang balita—
“Nagaagi si Cristo.”

*Nagaagi si Jesus
Dinhi karon.
Nagaagi si Jesus;
Nagaagi S'ya karon.*

Aduna bay kasingkasing
Nabug-atan sa sala?
Si Jesus nagpangamuyo,
O dawaton mo Siya.

Aduna bay kasingkasing
Nangandoy ug pahulay?
Dumuol sa Manluluwas,
Maimo ang kalipay.

Dumuol sa Manunubos
Ug sa gugma N'yang hingpit;
Dumuol ka sa pultahan
Nga padulong sa langit.

tune→ (86. Jesus is Passing This Way)

22. Si Jesus, Siya Lamang

Asa ako modangop
Kon may kalisdanan?
Asa ba makaplagan
Ang kasigurohan?

*Si Jesus, Siya lamang:
Ang kaluwasan ko,
Lig-on kong dalangpanan
Ug kalinaw nako.*

Tawag N'ya madungog ko,
"Umari Kanako
Ug ikaw magpahulay
Sa paghigugma Ko."

Nagpabug-at kanako
Ang manga luwan ko;
Matam-is ang honghong N'ya,
"Itugyan Kanako."

Padayon sa pagpanaw
Ngadto sa puy-anan
Nga kauban si Jesus—
May kapahulayan.

tune→ (153. Jesus Alone Can Save Me)

23. Dili Kamo Mangahadlok

Dili kamo mangahadlok
Nga monunot kang Jesus
Kay sa Iya lang pagmando
May kaluwasang bug-os.

*O ayaw kamo kahadlok–
Mag-antus kauban N'ya
Kay human sa panaw ninyo,
Lipayon kamo Niya.*

Dili kamo magkakaoy
Bisan may pas-an nga krus;
Ang makig-antus kang Jesus,
Tinuod makalampus.

Dili kamo magkaluya
Sa pagkuyog Kaniya;
Ang makigduyog kang Jesus,
Moambit sa himaya.

Manalagang may pailub
Aron maangkon ninyo,
Purongpurong sa katarong
Nga ihatag ni Cristo.

tune→ (80. Do Not Fear To Follow Jesus)

24. May Dapit Kaha Si Jesus?

May dapit kaha si Jesus
Sa kinabuhi nimo?
Nagatuktok, nagalaum
Nga Siya pasudlon mo.
Duna bay dapit si Jesus,
Ang Haring maluluy-on?
O dawaton mo S'ya karon
Ug imong padayonon.

Kalingawan ug buhat mo,
Dunay dapit kanimo
Apan S'ya walay kapuy-an
Sa kinabuhi nimo.
Alang sa kaluwasan mo
Nahilansang si Cristo,
Tinakpan pa ba gihapon
Ang kasingkasing nimo?

Aduna ka bay panahon
Nga ihatag kang Jesus
Samtang ginatawag ka N'ya
Uban sa grasyang bug-os?
Hatagi Siya ug dapit,
Pulong N'ya imong sundon;
Kasingkasing mo ablihi,
Dapita S'yang modayon.

tune→ (139. Have You Any Room for Jesus?)

25. Si Jesus Pilion Ko

Imo na ang kalibutan,
Pilion ko si Jesus!
Kay ang manga kalingawan
Mahanaw ug matapos;
Apan tam-is palandungon
Ang Iyang gugmang bug-os
Kay kini magapadayon
Sa walay pagkatapos.

Imo na ang kalibutan,
Si Jesus pilion ko!
Bisan pa sa kalisdanan
Magakalipay ako;
Karon ako magapanaw
Samtang buhi pa ako,
Kahayag N'yang di mahanaw
Maoy ikalipay ko.

Imo na ang kalibutan,
Si Jesus pilion ko!
Kay sa krus Niyang gipas-an
Naa ang paglaum ko;
Buot ko nga sa pag-ayo
Masayran Iyang tuyo
Hangtud ang nawong ni Cristo
Sa tin-aw makita ko.

tune→ (146. Give Me Jesus)

26. Dunggon Mo si Jesus

Kon buot mo nga si Jesus
Makig-uban kanimo,
Moampo ikaw Kaniya–
Magpuyo S'ya kanimo.

*Dunggon mo si Jesus,
Ginatawag N'ya ikaw;
Sundon mo si Jesus
Karon ug adlawadlaw.*

Ablihi ang kasingkasing,
Dawata ang pulong N'ya;
Ablihan Niya ang langit
Ug dawaton ka Niya.

Kon kasingkasing mo sirhan
Ug siJesus talikdan,
Dili ikaw makasulod
Sa Iyang gingharian.

Magsugot ka ug magpili,
Pasayloon ka Niya;
Magpasakop ka kang Cristo
Ug alagaran mo S'ya.

tune→ (157. Jesus With You)

27. O, ang Iyang Gugma

Sa kalooy, si Jesus,
Kanakano, nangita;
Akong makasasala
Sa panon gidala,
Samtang didto man sa langit,
Manga anghel nanag-awit.

*O, ang Iyang gugma,
Nangita kanako!
O, ang Iyang bililhong grasya
Sa panon naghatud kanako!*

Marka sa manga lansang,
Dugo N'yang giula,
Purongpurong nga tunok–
Timaan sa gugma.
Kanakano unsay nakita
Nga kasakit giantus N'ya?

Ang oras nagaagi
Pahulay hingpit na;
Ako nagapaabot
Sa gisaad Niya–
Ang pagtawag N'ya kanako
Aron Kaniya mopuyo.

tune→ (23. Oh, the Love That Sought Me)

28. Ang Tawag N'ya Madungog Ko

Nahigugma ang kalag ko
Sa dalan ni Jesu-Cristo;
Madungog ko ang sulti N'ya,
"Ang dalan mo, biyai na."

*Ang tawag N'ya madungog ko,
Biyaan ko ang dalan ko
Ug sa Dios ako mouban;
Dalan N'ya ang pagalaktan.*

Di ko gayud kahadlok
Pagyubit sa kalibutan;
Duna akoy kahupayan
Kay S'ya ang akong kauban.

Tungod sa halad ni Cristo
May bag-ong paglaum ako;
Ginapangandoy kong lubos
Nga mahimong halad sa Dios.

Bisan mobatok ang tanan
Sa Dios may kasigurohan;
Ang pulong N'ya kasaligan,
Kaniya may kadaugan.

tune→ (77. I Hear Him Call)

29. Gihatag sa Dios ang Anak Niya

Gihatag sa Dios ang Anak Niya
Sa pagtubos kanato;
Dawata S'ya sa kasingkasing mo,
Kagawasan maimo.

*Si Jesus, sa mapailubon
Nagahulat kanimo;
Ginapangandoy Niya nga harian
Ang kinabuhi nimo.*

Hatagan ka N'ya ug kinabuhi
Nga walay katapusan;
Sunda S'ya ug di ka mahigawad,
Saad N'ya kasaligan.

Kasingkasing mo, ayaw pagsirhi
Sa bugtong Anak sa Dios
Nga nagpaula sa Iyang dugo
Aron ikaw matubos.

Nag-antus Siya alang kanimo,
Makigdait Kaniya;
Pasudla S'ya sa kinabuhi mo,
Pagalipayon ka N'ya.

tune→ (134. God in Tender Love)

30. S'yang Akong Katagbawan

Sa miaging kinabuhi
Mihangos ang kalag ko,
Nangita sa buhing tubig
Alang sa kauhaw ko.

*Nakaplagan ko si Jesus,
S'yang akong katagbawan;
Sa dugo Niyang bililhon
Ako may katubsanan.*

Dugay nga naglibod ako
Didto sa kangitngitan
Hangtud Iyang namatikdan
Kadtong akong kahintang.

Ang nia sa kalibutan
Gipanguha nako;
Sa gihapon wa matagbaw,
Nahigawad lang ako.

Tuburan sa buhing tubig,
Tinapay sa kalag ko,
Bahanding di ikaasoy-
Mao Siya kanako.

tune→ (45. Satisfied)

31. Wala Kahay Motabang?

Naglibod sa kangitngit
Nga nag-inusara;
Kahayag ug kalipay
Maoy gitinguha.
Sa kahigawaran n'ya
Walay nagahupay;
Ingon ang walay Cristo—
Walay Maghuhupay.

Wala kahay motabang
Nga may kahangawa?
Sa manga kasub-anan
May makigduyog ba?
Kon ang kasingkasing mo
Dunay kagul-anan—
Duna kahay kadangpan,
Mahimong duolan?

May Usa nga naghulat,
Motabang kanimo
Sa tanang palas-anon
Nga ginapas-an mo;
Siya matinumanon,
Malauman nimo:
Ang higala, igsoon,
Ug dalangpanan mo.

Kamingawag kangitngit,
Nganong di biyaan?
Nganong di mo talikdan,
Imong kasub-anan?
Ang Kahayag sundon mo,
Nagapaabot S'ya;
S'ya nahinangop gayud
Nga amomahon ka.

tune→ (68. Is There No One To Help Us?)

32. Anak Akong Mausikon

Ang bilihong panulondon
Ako lang giusikan;
Nakasala gayud ako
Nasubong hilabihan.
Nahigawad, way paglaum,
Akong nahunahuna
Nga mobalik sa Amahan
Bisan sulugoon ra.

*Ang sala kong di maihap
Gipasaylo N'yang tanan;
Anak akong mausikon
Nga Iyang gikaloy-an.*

Samtang halayo pa ako,
Gisugat ako Niya
Ug gihigugma N'ya ako
Bisan makasasala.
Nagsugod akong mag-ingon,
“Dautan ang buhat ko
Ug dili na ako takus
Tawgon pa nga anak Mo.”

Gipasaylo ang sala ko
Bisan daghan kaayo,
Malipayon S'yang mingdawat
Ug minghangop kanako.
Naghatag Siyag bahandi
Ug pamisti kanako,
Busa sa atubangan N'ya
Daku ang kalipay ko.

tune→ (117. Distant Land of Famine)

33. Bililhon Ang Kaluwasan

Nagdapit ang Dios kanimo
Sa kinabuhing diosnon;
Duol aron maangkon mo
Ang kaluwasan karon.

*Walay lain nga bililhon
Kundi ang kaluwasan,
Karon ug sa umalabot
Hangtud sa kahangturan.*

Maminaw sa pasidaan
Sa manga manalagna;
Aron maluwas, duol ka
Samtang S'ya ania pa.

Mangayog kapasayloan
Ug kini madawat mo;
Kang Cristo walay paghukom—
S'ya ray tagoanan mo.

Nagdapit ang Dios kanimo,
Karon dumuol ka na;
Bisti sa pagkamatarung
Kanimong ihatag N'ya.

tune→ (37. Nothing Matters But Salvation)

34. Si Jesus, Mao S'ya

Duna bay andam motabang
Ug mouban kanato
Sa pagkinabuhing may kalisdanan?
Usa nga tungod sa gugma
Magahatag kanato
Sa atong manga pagpanginahanglan?

*May Usa, Usa ra,
Si Jesus nga bulahan, mao S'ya!
Sa manga kagul-anan
Ug sa kasakitan
Ang kinahanglan mong Abyan, mao S'ya.*

Duna bay andam motabang,
Sa kalinaw mohatag
Sa makasasalang may kagul-anan?
Kinsay nagbubo ug dugo
Alang sa atong kalag
Aron ang atong sala mahugasan?

Duna bay andam motabang
Kon kita moabot na
Sa panahon sa kamatayon nato?
Usa nga maoy maglamdag,
Sa kahadlok mokuha
Ug sa langit magadala kanato?

tune→ (47. He's the One)

35. Patalinghugi si Jesus

Patalinghugi si Jesus,
Ginatawag ka;
Tungod sa manga sala mo
Namatay Siya.

Dungga, dungga
Si Jesus karon
Ug hangtud sa katapusan
S'ya imong sundon.

Sa tubod sa kalipayan
Sa kalibutan,
Gibati mo ang kalisud
Ug kapaitan.

Pagdid-an mo ba si Jesus,
S'ya, ang Matarung?
Ubanan ka N'ya kanunay,
S'ya ang maglig-on.

Kang Jesus lamang itugyan
Kasingkasing mo
Ug sa imong kinabuhi,
S'ya magapuyo.

tune→ (127: Hear the Voice of Jesus)

36. Ako Nasubo Kanhi

Ako nasubo kanhi,
Way kapahulayan;
Naglibod sa kangitngit
Ug sa kasal-anan.
Nagapos gayud ako,
Walay kagawasan;
Ang tanan kapaitan,
Walay kalinawan.

*Hingpagan ko si Jesus,
Gipasaylo ako;
Puloy-anan na Niya
Ang kasingkasing ko.*

Ang bahanding yutan-on
Akong gipangita,
Apan wa makatagbaw,
Nagpahigawad ra.
Nawad-an nag paglaum
Ug nagbasol ako
Kay ang nabilin lamang
Ang tumang kasubo.

Ang kangitngit mingsamot
Ug nasubo ako
Apan ang Manluluwas
Mingduol kanako.
Gihonghong N'ya kanako,
“May kapasayloan
Sa imong kasal-anan
Nga Akong gipas-an.”

tune→ (107. My Heart Was Sad)

37. Si Jesus Gahapon

Si Jesus gahapon,
Mao usab karon—
Way pagbag-o.
Siya nagpaubos
Ug nagpakakabus—
Dalang gikan sa Dios
Ug Ginoo.

Maghari Ka, Cristo,
Sa kasingkasing ko
Ug magpuyo.
Ang kabubut-on Mo
Maoy tumanon ko
Ug kahimut-an Mo
Ang halad ko.

Sa palaabuton,
Silang Iyang panon,
Tigumon N'ya.
Wa nay kasakitan
Bisan kagul-anan;
Ilang pasidunggan
Ang ngalan N'ya.

tune→ (11. Jesus Is Still the Same)

38. Ang Panahon Lumalabay

Ang panahon lumalabay,
Pagkadaling mahanaw;
Matag takna pahimusli,
Ikaw usab mopanaw.
Hamubo ang kinabuhi,
Di na mobalik kini;
Kusog mo, ayaw usiki
Sa yutan-ong bahandi.

*Palit sa bulawang lunsay
Ug bistis nga maputi;
May panan-awon nga tin-aw,
Ang dalan Niya, lakti.*

Panahon daling moagi,
Dili kapugngan kini;
Ang landong nagapadayag,
Moabot ang gabii.
Higayon mo, pahimusli,
Tindog ug magbudlay ka;
Pangitaa ang bahandi
Nga walay pagkadugta.

Buot sa Dios, himoon ka
Sama sa Iyang Anak;
Ayaw Siya pagsakita
Ni pugngan Iyang buhat.
Si Jesus ang kamat'oran—
Maaghop, malomo S'ya.
O magtuon ka Kaniya
Ug makapahulay ka.

tune→ (103. Time Is Passing)

39. Matuman, Dios, ang Pagbuot Mo

Matuman, Dios, ang pagbuot Mo,
Magkokolon Ka, lapok ako;
Ipahisama sa dagway Mo
Samtang nagapasakop ako.

Matuman, Dios, ang pagbuot Mo,
Sulayi ang kasingkasing ko;
Hinloan Nimo akong lubos
Samtang ako nagapaubos.

Matuman, Dios, ang pagbuot Mo,
Nasamdan ug gikapoy ako;
Sa tanan makagagahum Ka,
Hikapa ako ug ayoha.

Matuman, Dios, ang pagbuot Mo,
Pun-a ako sa Espiritu
Hangtud madayag nga si Cristo
Maoy nagapuyo kanako.

tune→ (58. Thine Own Way, Lord)

40. Kinabuhi Di Magdugay

Matam-is mahibaloan
Ang Maayong Balita.
Dalayegon ko si Cristo
Tungod sa Iyang gugma.

*Kinabuhi di magdugay,
Makita nato Siya.
Sa langit way katapusan
Ang kaambitan Niya.*

Kon ang dalan mo mangitngit,
Sud-onga ang Calvaryo.
Ang Anak sa Dios nag-antus
Tungod lamang kanato.

Ang laraw sa Dios kanimo,
Pagalanganon mo ba?
Kinabuhi hamubo lang,
Kabubut-on N'ya sunda.

Sa adlaw na sa paghukom,
Mailhan gayud kita.
Sa pag-atubang Kaniya,
Kita mag-inusara.

Copyright→ ©
tune→ (105. Life's Short Day)

41. Kon Nasayran Lang ang Kamatayon

Samtang ang adlaw nagaagi,
Kinabuhi nagakatapos;
Mamati kita sa manga tambag
Sa maaghop nga Manunubos.

*Kon nasayran lang ang kamatayon—
Magtuman ta sa kabubut-on N'ya
Ug dili nato pagtamayon
Ang ganting gitagana.*

Matag tikang nagakaduol
Sa padulngan sa panaw nato;
Kini ang pahinumdom kanato,
Sa hukmanan kita moadto.

Sa walog sa pagduhaduha,
Kinabuhi ginausikan;
Dalan sa Dios ginatamay nila
Ug ilang ginadumilian.

Nagakaduol na ang adlaw
Nga ang Hari atong makita;
Anaa sa kamot N'ya ang setro—
Andam dawaton, pinili N'ya.

tune→ (106. The Pages of Life)

42. “Umari ka,” Pagdapit ni Jesus

“Umari ka,” pagdapit ni Jesus,
“Dawata ang bug-os nga kalipay;
Bisan ikaw nabug-atan gayud,
Aniay tinuod nga pahulay.”

*“Umari ka, moduol na,
Kay ikaw akong pagahatagan
Sa kalinaw ug kapahulayan.”*

Kanimo nga naa sa kasakit,
Sa pagdapit nagapadayon S’ya;
Wad-a ang imong pagduhaduha,
Sa kalinaw hatagan ka Niya.

Kinabuhi, pahulayg kalinaw
Nga dinhi ginadawat na nato
Nagahulagway man sa kalipay
Nga sa langit naghulat kanato.

tune→ (59. Come Unto Me)

43. Adunay Pahulay

Ang Magbalantay nagtawag kanimo,
Sa bahandi hatagan ka;
Ngano mang magalibod ka sa sala?
Adunay pahulay Kaniya.

*Adunay pahulay,
Adunay kalinaw sa panon.*

Ang kalingawan sa sala molubad,
Di magdugay ug mawala;
Ang bahanding langitnon di mahanaw–
Moduol ka karon Kaniya.

Ang Magbalantay nagtawag pag-usab,
Di kinahanglang gutmon ka
Kay duna Siyay daghang gitagana;
Karon sa panon mosulod ka.

tune→ (116. There Is Rest)

44. Gilaktan ni Jesus

Gilaktan ni Jesus ang matul-id nga dalan
Paingon sa Amahan ug sa kalangitan;
Magatukod ta sa Batong Patukoranan,
Kon dunggon ug sundon nato Siya.

*Mosunod ako, Jesus, magbuhat sa tanan
Nga Imong kabubut-on sa adlaw nga tanan;
Tungod kay sa grasya ako Imo mang hatagan,
Kutob sa mahimo buhaton ko.*

Kinabuhi mao ang gihalad ni Jesus,
Ang kaulawan sa krus Iya mang giantus;
Kalibutan gidid-an, nakig-ambit sa Dios
Ug nagpahimuot sa Amahan.

Kinahanglang magmalig-on kita kang Cristo
Bisan ang kalibutan mag-ulang kanato;
Kon makadaug ta, kini madunggan nato,
“Maayong buhat, manga ulipon.”

tune→ (363. Jesus Trod the Pathway)

45. Ang Tingog ni Jesus

Ang tingog ni Jesus
Miabot kanako;
Ang sala ug kadautan
Pagatalikdan ko.

*O Magbalantay,
Dawata ako;
Ang gugma ug grasya Mo
Idayag kanako.*

Ang kinabuhi ko,
Akong ginaampo;
Ang tinuod nga pahulay,
Mao ang buot ko.

Cristong Magbalantay
Ang kinahanglan ko
Aron sa manga kalisud
Luwason N'ya ako.

Gitawag N'ya ako
Gikan sa paglibod;
Karon, ako S'yang tinuod,
Ako Iya gayud.

tune→ (145. The Tender Shepherd's Voice)

46. Akong Kinahanglan

Akong kinahanglan gayud
Makauban si Jesus;
Ubanan ako kanunay
Ug lipayon N'yang lubos.

*Dili ako mahadlok
Kay S'ya ang Magmamando;
Sundon kong matinumanon
Ang lakang sa Ginoo.*

Ang maluya kong pagtoo,
Pagalig-onon Niya;
Manga pulong sa kalipay,
Kanakano, ihonghong N'ya.

Kinahanglan ko si Cristo:
Paglatas ko sa bagyo,
Sa manga pagpakigbisog
Ug sa kalisdanan ko.

Kinahanglan ko si Cristo
Aron ako ubanan
Samtang ako nagapanaw
Hangtud sa katapusan.

tune→ (85. The Saviour With Me)

47. Kon Wala Kay Manluluwas

Mahimo kahang mabuhi
Kon wala si Cristo
Ug niining kinabuhi
Wala kay Magmamando?

*Kon wala kay Manluluwas
Ni paglaum nga dayon,
Andam ka bang moatubang
Sa imong kamatayon?*

Kinabuhi pagkasubo
Kon wala si Cristo,
Way kahayag ug paglaum
Nga mohupay kanimo.

Pagkangitngit sa pagpanaw
Kon wala si Cristo,
Sa makahadlok nga bagyo
S'ya ang dalangpanan mo.

Moduol ka na kang Cristo,
Kaniya moampo
Sa dili pa N'ya isulti,
“Palayo ka Kanako.”

tune→ (137. Out Of Christ)

48. Pagkadali Nga Moagi

Pagkadali nga mawala
Ang kinabuhi nato.
Maayo kon mangutana,
“Asa ang padulngan mo—
Sa puluy-anan ba sa Dios
Ug kapahulayan mo?”

Pagkadali nga moagi
Ang manga adlaw nato.
Matam-is hunahunaon
Adunay manga tawo
Nga si Cristo ilang hari
Ug ilang magmamando.

Pagkadali nga molabay
Ang atong katuigan.
Tungod kay walay pagbantay,
Nangalaglag ang daghan;
Dugo N’ya ilang gitamay,
Gipanamastamasan.

Pagkadali nga matapos
Kining maong pagpanaw.
Pamation mo si Jesus,
Sunda S’ya adlaw-adlaw;
Maangkon mo ang paglampus,
Maimo ang kalinaw.

tune→ (100. Passing Onward)

49. Karon Nagaagi S'ya

Sa kalomo S'ya nag-ingon,
"Manga kalag pagmata."
Ang Ginoong maluloy-on,
Karon nagaagi S'ya.

*Moduol ka karon
Tungod kay S'ya nagaagi;
Tingali mao na kini
Ang ulahing pag-agi.*

Kanimo ginaingon N'ya,
"Biyai ang sala mo."
Ang kalingawan sa yuta
Nagpaguol kanimo.

Hatagan N'ya ug kalinaw
Ang moampo Kaniya;
Sa tanan nimong kalisud,
Igo ang gugma Niya.

Bisan ang uban magbudhi
Apan dili si Cristo;
Panlimbasog, sunda Siya,
Karon ang higayon mo.

tune→ (162. Passing By)

50. Nagatukod Kita

Sa kalipayg kasubo nagatukod ta
Usa ka dimakitang templo;
Magapabilin gayud kini kon matukod
Ibabaw sa malig-ong bato.

*Sa adlaw ug gabii
Sa atong kinabuhi,
Nagatukod tag usa ka templo;
Tanan natong panahon,
Nan, pahimuslan karon
Sa paglig-on sa templo nato.*

Kining templong ginatukod nato karon
Mapalig-on nato kang Cristo;
Kon Siya ang atong pamation ug sundon,
Nagatukod kita sa bato.

Managtukaw kita ug atong lig-onon
Ang ginatukod natong templo;
“Di sa kabalasan,” nag-ingon ang Ginoo,
“Apan sa ibabaw sa bato.”

tune→ (128. We Are Building)

51. Kon ang Manluluwas Motawag Na

Kon ang Manluluwas motawag na,
Sa pag-atubang andam ba kita?
Madunggan ba nato Kaniya,
“Matinumanon, pahulay ka.”?

Ginatukod ba ang balay nato
Sa ibabaw sa malig-ong bato?
Bisan pa mohuros ang hangin,
Kini lig-on ug magpabilin.

Ang balay ba nato ginatukod
Ibabaw sa balas nga maanod?
Maguba kini kon mobagyo,
Daku ang kapildihan nato.

Busa magtukod kita kang Cristo;
Himoon Siyang atong Pangulo.
Bisan tamayon mosunod ta
Kay may kaluwasan Kaniya.

tune→ (129. When the Saviour Calls)

52. Sa Takna

Ang kinabuhi sama
Sa bulak nga malaya–
Kini hunahunaa
Sa takna.
Adlaw nato mahuman
Dinhi sa kalibutan;
Nan, imong pahimuslan
Ang takna.

*Dunggon mo, sa takna,
Samtang ang Ginoo nagatawag pa;
Kon magpadayon ka pa
Sa imong manga sala,
Basin maulahi ka
Sa takna.*

Kining kusog mawala,
Katahum molubad ra;
Busa mamalandong ka
Sa takna.
Ginadapit ka Niya
Aron di ka mawala,
Kang Jesus modangop ka
Sa takna.

Samtang duol pa ang Dios
Kita magpahimulos
Sa pagpili kang Jesus
Sa takna.
Ang kangitngit biyai,
Kahayag N'ya batoni
Ug ang dalan N'ya lakti
Sa takna.

tune→ (102. Life at Best Is Very Brief)

53. Ayaw Pagsupak sa Espiritu

Ayaw pagsupak sa Espiritu,
Nagahulat S'ya sa pagpili mo;
Makiglipay kang Cristo
Sa gingharian sa Dios.

*Ayaw tuyoa
Magpabilin sa gawas
Sa gingharian sa Dios.
O magdali ka
Ug karon mosulod na
Sa gingharian sa Dios.*

Magdali ka ug ayaw hulata
Nga moagi kining higayona
Ug ikaw sa gawas pa
Sa gingharian sa Dios.

Pasagdan mo ba ang kalag nimo
Hangtud ulahi na, pagbasol mo
Ug mapalغان kang layo
Sa gingharian sa Dios?

Dunggon mo karon ang tingog Niya,
Moduol na ug magpasakop ka;
May kasigurohan ka
Sa gingharian sa Dios.

tune→ (142. Do Not Resist)

54. Ikaw Pagahukman sa Dios

Ikaw pagahukman sa Dios
Sa ulahing panahon;
Patalinghugi si Jesus
Ug toohi S'ya karon.
Gikan sa tanang sala mo,
Iya kang pasayloon;
Ang tingog Niya tamdan mo,
S'ya imong pamation.

Ikaw pagahukman sa Dios
Human sa kinabuhi;
Hamubo ang katuigan
Ug matuling moagi.
Busa ayaw pag-usiki
Ang bililhong panahon;
Ang pag-alagad Kaniya
Karon imong pilion.

Ikaw pagahukman sa Dios,
Di kini maikyasan;
Unsaon ang pag-atubang
Kon S'ya imong pagdid-an?
Kon padayon ka sa sala,
Ang kalag mo mawala;
Ang pultahan sa kalooy,
Abli pa- modayon ka.

tune→ (135. God Will Bring)

55. Jesus, Tudloan Mo Akong Magpili

Jesus, tudloan Mo ako
Nga magpiling may kaalam,
Kay dunay daghang pagpili–
Ang tanan may sangputanan.
Samtang batan-on Ka dinhi,
Kini Imong giagian;
Busa tabangan Mo ako
Nga magpiling may kaalam.

*Jesus, tudloan Mo ako
Aron ang pili ko karon
Sama unta sa pili ko
Sa adlaw sa kamatayon.*

Tudloi akong magpili
Kay batan-on pa gyud ako
Ug dinhi sa kalibutan
Adunay daghang tinago.
Tanang manga kalingawan
Nga tanyag sa kalibutan,
Wala Mo tagda, O Jesus–
Ikaw akong panig-ingnan.

Tudloi akong magpili
Kay Ikaw ang nakasabot
Sa manga pagpakigbisog
Ug lit-ag nga nagalibot.
Bisan wa ko pa masabti,
Madayag ra sa unahan
Kon nganong Imong gitudlo
Nga sundon ko Imong dalan.

tune→ (130. Teach Me How To Choose)

56. O Si Jesus Nagatawag

O si Jesus nagatawag
Ug ako mosunod na;
Ayaw ako pag-ulangi
Sa pagsunod Kaniya.

*Paglutos pagaantuson,
Tungod kang Jesu-Cristo;
Padayon S'ya sa pagtawag—
Karon, mosunod ako.*

O si Jesus nagatawag
Madungog ko, tingog N'ya;
Ginalipay N'ya, kalag ko,
Kahadlok, ginakuha.

O si Jesus nagatawag
Ug ako makig-antus
Sa manga kasakitan N'ya
Hangtud panaw matapos.

O ang imong lamparahan
Karon pasigaa na;
Nagatawag S'ya kanimo—
Tindog na ug sunda S'ya.

tune→ (131. Jesus Calls Me)

57. Usa Lang Ang Kinabuhi Ko

Usa lang ang kinabuhi ko,
Sama sa alisngaw mahanaw;
Kinahanglang magsilbi ako
Hangtud sa mahuman ang panaw.

*Buot kong ihatag
Ang kinabuhi ko kang Cristo;
Dili ko usikan
Ang usa ka kinabuhi ko.*

Karon kining kinabuhi ko
Kon gamiton sa ngalan sa Dios,
Daghan ang mahimong pagtubo
Ug mahimut-an gayud sa Dios.

Usa lang ang kinabuhi ko
Ug ang alanihon andam na;
Sa pag-ani motabang ako
Bisan ang mahimo dyutay ra.

tune→ (93. Only One Life to Live)

58. Wala Bay Kahayag?

“Wala bay kahayag,” tuaw sa kalag,
“Aron hayagan ang akong lakang?
Sa kalibutan, gikapuyan ako
Ug makuyaw ang akong agian.”

Si Jesus nga Kahayag nagasidlak;
Nagaingon S’ya, “Ako ang Dalan.”
Pagsalig ug ayaw pagduhaduha
Ang kangitngit imo nang talikdan.

Samtang naa kanimo ang Kahayag,
Pahimuslan mo ang Iyang grasya;
Di maglangan, basin mangitngitan ka,
Pagkasubo kon biyaan ka N’ya.

tune→ (36. Is There No Light?)

59. Unsay Kapuslanan?

Ang kinabuhing yutan-on,
Kausa lang maato;
Sa di madugay matapos
Kining pagpanaw nato.

*Unsay kapuslanan
Kon makaangkon kita
Manga bahandig kalipay
Ug ang kalag mawala?*

Maingon sa manga bulak
Nga kadyut rang malaya
Kining atong kinabuhi
Ug ang iyang himaya.

Kon kamo nangabug-atan
Tungod sa inyong sala,
Moampo kamo kang Jesus—
Luwason kamo Niya.

Pagapilion ba ninyo
Nga mosunod kang Cristo?
Kini ang maayong pili—
S'ya, paharion ninyo.

tune→ (99. Oh, What Shall It Profit?)

60. Kasingkasing Mo Ablih

Ang pagtalikod sa sala,
Karon buhata;
Kasingkasing mo ablihi,
O magdali ka.

*Samtang may kinabuhi ka
Ug ang Dios nagahandum pa;
Kaniya, O moduol ka.
Ayaw paglangan.*

Ang kalooy N'ya tagdon mo,
Tingog N'ya dungga,
Kasingkasing mo ablihi
Sa hangyo Niya.

Kasingkasing mo ablihi
Sa pagdapat N'ya;
Gitanyag N'yang kaluwasan
Dawaton mo na.

Ang kalipayng di molubad,
Karon, dawata;
Ang kalinaw nga molungtad,
Pasudlon mo na.

tune→ (141. Close Thy Heart No More)

61. Ginatawag Ka N'ya

Ginatawag ka N'ya aron mopauli;
Halayo ka sa Iyang panon.
Anaa ka sa dalan sa kamatayon;
Diha, wala kay paglaum.

*Ginatawag ka ni Jesus;
Pagaluwason kang bug-os.
Alang kanimong, namatay Siya
Aron lang mamahuwas ka.*

Makuyaw gayud imong ginaagian
Ug diha way kasigurohan;
Biyai ang kaugalingon mong dalan,
Iya kang pagamandoan.

Ang tanang kasubo sa kinabuhi mo
Pagakuhaon gayud Niya;
Pasayloon ka N'ya gikan sa sala mo
Kay daku ang Iyang gugma.

Sa pahulay pagahatagan ka Niya,
Pagdali ug ayaw paglangan;
Kon wala sa kasingkasing mo si Cristo,
Kini dakung kapildihan.

Copyright→ ©

tune→ (121. The Saviour Is Calling)

62. Kanimo ug Kanako

Sa kalomo nagatawag si Jesus
Kanimo ug kanako;
Anaa nagatindog sa pultahan,
Nagpaabot kanato.

*“Sa puy-anan,
O mopauli ka na.”
Sa kalomo ginatawag ka Niya,
“O mopauli ka na.”*

Nganong pahulaton pa nato Siya,
Nangamuyo kanato?
Nganong di tagdon ang kalooy Niya,
Kalooy N’ya kanato?

Ang takna hamubo ug nagaagi
Kanimo ug kanako;
Ang kagabhion nagasingabot na
Kanimo ug kanako.

Ang kahibulongang gugma ni Jesus,
Kanato gisaad N’ya.
Bisan puno kita sa kasal-anan,
Pasayloon N’ya kita.

tune→ (113. For You and For Me)

63. Nganong Di Ka Magpasakop?

Sa gipamalandong mo
Ang imong kinabuhi,
Nahibaloan nimo
Nga kuhaon kini.

*Nganong di ka
Magpasakop sa Ginoo?
Moduol ka, dawata Siya;
Ikaw maiya ni Cristo.*

Masubsub kang nagsulay
Sa pag-alagad sa Dios
Apan ang kasal-anan
Kanimong minggapus.

Ginapangandoy sa Dios
Luwason ang kalag mo;
Pagalig-onon ka N'ya
Sa pag-alagad mo.

O ayaw na paglangan
Sa pag-alagad sa Dios
Aron imong maangkon
Ang pasaylong bug-os.

Copyright→ ©
tune→ (133. Why Not?)

64. Nganong Akong Pagalaktan?

Nganong akong pagalaktan
Ang dalan sa kangitngitan
Diin walay kalinawan?
Si Jesus lang ang Dalan.

*Kasingkasing ko nabihag
Sa kamatuoran sa Dios.
Sa langit kun sa yuta man
Walay sama kang Jesus.*

Ang tawhanon nga kaalam
Padulong sa kasaypanan.
May kalipay kon masabtan,
Si Jesus ang Katarung.

Di ko gayud maarangan
Nga dag-on ang kasal-anan;
Ang akong paglaum lamang—
Dawaton ko si Jesus.

Kon moalirong ang sala,
Molaum ako Kaniya;
Walay buling, putli Siya—
Higala sa may sala.

Copyright→ ©

tune→ (72. Why Should I Walk?)

65. Jesus Nga Hari Ko

Jesus nga Hari ko,
Imo ako;
Magpabilin ako
Sa kamot Mo.
Akong pagadid-an
Manga kalingawan
Ug ang kalibutan—
Imo ako.

Ang lakaw sa uban,
Pasagdan ko;
Kanimong mouban
Gayud ako.
Yutan-ong himaya,
Tawhanong tinguha,
Gisalikway ko na—
Imo ako.

Tumanong kong tanan
Pagbuot Mo;
Manga kalisdanan,
Antuson ko.
Sala talikdan ko,
Ako harian Mo
Ug ubani ako—
Imo ako.

tune→ (163. Jesus, My Saviour King)

66. Haduol Ka sa Gingharian

Haduol ka sa Gingharian
Apan sa gawas sa pultahan;
Pilia S'ya karon
Aron makabaton
Kinabuhing dayon—
Di maglangan.

Haduol ka na sa pultahan
Apan naa sa kasal-anan;
Karon magpili ka
Ug mosulod ka na
Aron molakaw ka
Kauban N'ya.

Haduol ka apan sa gawas,
Mosulod ka ug mamaluwas;
Dawata si Cristo
Sa kinabuhi mo
Ug mabatonan mo
Ang paglaum.

Copyright→ ©
tune→ (168. Close to the Kingdom)

67. Kanimo Lang Nagasalig

O Jesus, Kanimo lamang,
Akong pagsalig;
Molaum sa pagluwas Mo
Nga hingpit.

Kanimo lang nagasalig
Alang sa grasya
Ug sa kapasayloan ko
Sa sala.

Ikaw lang, gisaligan ko,
Maoy moagak
Ug sa panginahanglan ko,
Mohatag.

Kanimo ang pagsalig ko
Alang sa kusog;
Pinaagi sa gahum Mo,
Modaug.

O Jesus, naa Kanimo,
Akong pagsalig;
Ayaw ako pagbiyai
Malupig.

tune→ (165. I Am Trusting Thee)

68. May Kamot Nga Ginatuy-od

May kamot nga ginatuy-od
Sa kalooy ug gugma;
Maoy moagak sa tanan
Ngadto sa puy-anan N'ya.

*Ang kamot sa kalooy,
Ginatuy-od kanato;
Ang kamot sa Ginoo,
Makatabang kanato.*

Ang pagdapit sa Ginoo,
Di ko ba pahimuslan?
Pagapasub-on ko ba S'ya
Nga angay alagaran?

Nan, magapaagak ako
Sa matuod kong Abyan;
Siya ang pagasundon ko
Hangtud sa katapusan.

tune→ (90. A Hand Held Out)

69. *Gidani sa Gugma sa Dios*

Gidani sa gugma sa Dios,
Magahing kasingkasing ko
Ug sa pag-anhi ni Jesus
Ang kinabuhi naako.

*S'ya ang akong panig-ingnan
Sa pagkinabuhi nako;
Ako Iyang gikamatyan—
Sukad karon Iya ako.*

Kalipay ko nga molakaw
Sa dalang Iyang gilaktan;
Maako na ang kalinaw
Ingon man ang katagbawan.

Sa dautang kalibutan,
Siya ang andam nga Abyan;
Kaniya ako mouban
Kay nasayud S'ya sa dalan.

Copyright→ ©

tune→ (91. My Wayward Heart)

70. Human Na Akong Magpili

Human na akong magpili
Nga mosunod kang Cristo;
Way makabulag kanamo
Kon S'ya ang saligan ko.
Dalan sa kamatuoran
Maoy pagalaktan ko;
Bisan dunay kalisdanan,
Magapadayon ako.

*Si Jesus ang Magmamando,
Iya akong puy-anan;
Di ako mag-inusara
Dinhi sa kalibutan.*

Bisan sa atubangan ko
Adunay kasub-anan
Ug nagalibot kanako
Ang bagang kangitngitan,
Wala akoy kahadlokan
Kay tultulan Mo ako.
Kon Imo akong ubanan,
Magapadayon ako.

Bisan mokurog ang yuta
Ug adunay kakuyaw,
Ang pagsalig ko Kanim
Dili gayud mahanaw.
Bisan magpas-an akog krus,
Mosunod pa Kanim;
Bisan dunay katalagman,
Magapadayon ako.

tune→ (132. I Have Made My Choice)

71. Nagakatigum Na Kami

Nagakatigum na kami,
O Dios, sa ngalan Mo;
Sa pag-ampo ug pagsulti,
Kami tabangan Mo.

*Karon, O Dios,
Sa panalangin Mo,
Bubuan Mo kaming bug-os
Samtang nia sa atubangan Mo.*

Nagakatigum na kami
Nga may pagpaubos,
Nagaampo sa tiilan
Sa Ginoong Jesus.

O Dios, among kinahanglan
Ang Imong paghinlo–
Sa dautang kaisipan,
Kami hinloan Mo.

O Dios, uban sa kalipay
Igahalad namo
Ang awit sa pagdalayeg
Nga kahimut-an Mo.

Copyright→ ©
tune→ (172. Apart With Thee)

72. Kami Nagakatigum Na

Kami nagakatigum na
Sa ngalan sa Ginoo;
Unta ang Espiritu N'ya
Magpalig-on kanamo.

*Dios, hupayon Mo kami,
Tudloi nga mag-ampo;
Matinud-anon kanunay,
Namati sa tingog Mo.*

Kon Ikaw wala kanamo,
Kawang lamang ang tanan.
Kon ania Ka kanamo,
Adunay kagawasan.

Usa ra sa espiritu,
Bulag sa kalibutan–
Nagakatigum na kami,
Dasigon Mo, Amahan.

Kinahanglang magpabilin
Sa punoan ang sanga
Aron kini magabunga–
Maingon kami unta.

Copyright→ ©

tune→ (174. In The Name of Jesus Gathering)

73. Umari Kamo Ug Pamahulay

“Umari kamo ug pamahulay,
Nasayran Kong gikapuy na kamo;
Manga kabudlay ninyo kalimti
Ug magpabag-og kusog Kanako.”

“Bumulag kamo sa kalibutan
Alang sa balaang kaambitan;
Kauban Nako ug sa Amahan,
Di gayud kamo pagabiyaan.”

“Isaysay Kanako, inyong buhat:
Ang kadaugan ug kapildihan,
Manga kahadlok, manga paglaum–
Nasabtan Ko gayud kining tanan.”

“Iniggikan sa balaang tigum
Panglakaw na kamo ug magbudlay.”
Di kawang, higayong makakat-on
Sa Ginoo ug Iyang pahulay.

tune→ (175. Come Ye Yourselves Apart)

74. Dios, Tam-is Mong Kabubut-on

Dios, tam-is Mong kabubut-on,
Sandiganan, puy-anan ko;
Ikaw ang dalangpanan ko—
Diha, malinawon ako.

Kaayohan ang tuyo Mo,
Mag-una Ka kanako, Dios;
Mosunod ako Kanimo
Nga may pagsalig nga bug-os.

Ang tam-is Mong kabubut-on
Nagdani gayud kanako;
Bisan binihag, nalipay
Sa dapit sa grasya Nimo.

Dios, ang magaan Mong yugo
Nagadasig sa kalag ko
Ug ang akong kagawasan
Mao ang pagdumala Mo.

Ang hingpit Mong kabubut-on,
Karon mamahimong ako;
“Oo,” tubag ko Kanimo—
Matag sugo Mo, sundon ko.

tune→ (263. Thou Sweet, Beloved Will)

75. Sa Among Tigum

Sa among tigum,
Dios, moduol Ka
Sa kasingkasing
Sa matag usa.

Kami nag-ampo
Ug nangamuyo
Sa Imong grasya
Nga kusog namo.

Sa pamatuod
Gikan Kanimo
Idayag namo,
Kabubut-on Mo.

Ang Imong pulong
Buhing tinapay;
Ginahatag Mo—
Halad nga lunsay.

Paggikan namo
Sa among tigum,
Ang among tuyo,
Magmauyonon.

Mandoi kami
Aron ang uban
Nganha Kanimo
Among tultulan.

Copyright→ ©
tune→ (178. Fellowship)

76. Ginoo, Sa Among Tigum

Ginoo, sa among tigum,
Ubani kami;
Sa Balaang Espiritu,
Hatagi kami.

*Sa panig-ingnan Mo, Jesus,
Kami nagsunod
Ug pinaagi niini,
Kami modaug.*

Ang among manga pag-ampo
Dunggon Mo, Jesus,
Ug ihatag Mo kanamo,
Kusog nga bug-os.

Wad-on Mo, kahadlok namo
Sa manga tawo
Samtang among ginatuman,
Kabubut-on Mo.

Bisan pag nagakaanam
Kamig kadunot,
Ang bag-o nga kinabuhi
Ginapaabot.

Copyright→ ©
tune→ (179. As We Gather)

77. Ania Ang Dios

Ania ug nagapuyo
Sa katawhan N'ya ang Dios;
Tungod kanila nag-antus
Ug namatay si Jesus.

*Ampingi kami sa dalan
Nga gilaktan ni Jesus
Ug sa kamatuoran Mo
Agaka kaming bug-os.*

Ania ang Dios nangita
Ug manga sulugoon;
Magmauyonon lang kita
Aron magmabungahon.

Ania ang Dios kanato,
Di N'ya kita pakyason;
Kon Dalan gimahal nato,
Iya kitang lig-onon.

Ania S'ya kon mangitngit
Ug nangalibog kita;
Kamot N'ya maoy moagak
Bisan nahigawad ta.

Copyright→ ©
tune→ (173. God Is Here)

78. Tabangan Mo Kami, O Dios

Tabangan Mo kami, O Dios,
Ug dasiga sa pag-ampo;
Ang manga kaaway kusgan,
Grasya ihatag kanamo.

*Mahya gayud kami, Dios,
Apan Dalan mahal namo;
Hatagi kami ug kusog,
Ikaw ang paglaum namo.*

Lamdagan Mo kami, O Dios,
Aron kami manag-ampo
Alang sa manga nawala
Nga mahibalik Kanimmo.

Kasingkasing namo pun-a
Sa kaalam nga langitnon;
Sa pagkinabuhi namo—
Madayag ang pagkadiosnon.

Bisan sa langit kun yuta
Way mahisama Kanimmo;
Maluloy-on, malomo Ka,
Matuod nga Abyan namo.

Copyright→ ©

tune→ (202. O Help Us, Lord)

79. O Dios, Ang Puloy-anan Mo

O Dios, ang puloy-anan Mo,
Ginahigugma namo;
Dihay paglipay ug paghigugma Mo
Ug diha among maangkong
Ang kalan-ong langitnon
Samtang nagpamalandong sa pulong Mo.

Sukad sa pagsugod namo
Sa pagsunod Kanimo,
Makadaghan kaming nanagkaluya;
Nag-ampo kami Kanimo
Sa kasub-anan namo
Kay masabtan Mo ang among pagluha.

Pahumukon Mo, Ginoo,
Ang kasingkasing namo
Aron mahisil silang pagmando Mo;
Ang among kaugalingon,
Pagdid-an namo karon
Aron mahimaya ang ngalan Nimo.

Copyright→ ©
tune→ (181. Lord, We Love Thy Habitation)

80. O, Ang Pahulay sa Dios

Nagapahulay na ako
Sa kalinaw Niya;
Aduna akoy kalipay
Sa pagsugot Kan'ya.

*O, ang pahulay sa Dios,
Pagkatam-is gayud!
Ingon man sa Iyang tingog
Ug gugmang di masukod.*

Karon ang kinabuhi ko
Anaa kang Cristo;
Sa dalang Iyang gilaktan
Magalakaw ako.

Bisan may kaguol ako
Ug may kalisdanan,
Siya mao sa gihapon
Ang akong saligan.

Kuptan Niya ang kamot ko,
Sa pagmandong lubos,
Hangtud sa pag-atubang ko
Ug pag-uban sa Dios.

Copyright→ ©

tune→ (313. Where All Is Peaceful)

81. Dios, Mosulti Ka Kanako

Dios, mosulti Ka kanako,
Ako ang ulipon Mo;
Ang tingog Mong makahupay,
Ginapaabot nako.
Nagapamati ako—
Unsa may isulti Mo?

Dios, mosulti Ka kanako,
Ikawng Magtutudlo ko;
Masabtan Nimo pag-ayo
Ang kasingkasing nako.
Panalangini ako,
Ako nga tinun-an Mo.

O Dios, iandam Mo ako
Aron tingog Mo dunggon
Ug malipayong mosugot
Sa balaan Mong pulong.
Nagpamati Kanim—
Ako Imong ulipon.

tune→ (255. Master, Speak)

82. Anak Na Ako sa Dios

Anak na ako sa Dios,
Si Cristo ang nagtubos
Ug naghinlo kanako
Sa mahal Niyang dugo;
Ginaampo kong lubos,
Kinabuhi ko sa Dios.

Ako untang pagdid-an
Kaugalingong dalan;
Matuman, pagbuot Mo,
Dili ang pagbuot ko.
Magpuyo Ka kanako
Ug harian Mo ako.

Buksi ang dalunggan ko,
Magpatalinghug ako;
Ang pagkamasupakon
Isalikway ko karon.
Ang Imong kabubut-on,
Akong pagatumanon.

Nagapaubos ako,
Nagasalig Kanimo.
Tapusa ang buhat Mo
Nga gisugdan kanako—
Ipahisama ako
Sa dagway sa Anak Mo.

Copyright→ ©

tune→ (393. I Am Now a Child of God)

83. Mosulti Ka Kanako, Dios

Mosulti Ka kanako, Dios,
Aron mosulti 'sab ako;
Sama sa pagpangita Mo,
Nawala pangitaon ko.

Agakon Mo ako, O Dios,
Aron pagatutulan ko
Silang manga nagalibod
Ug nahimulag Kanimo.

O Dios, tudloan Mo ako
Aron ipasabot nako
Ang manga buhing pulong Mo
Sa kasingkasing sa tawo.

Hatagi akog pahulay
Aron akong sinultihan
Makahatag ug kahupay
Kanila nga gikapuyan.

Gamiton Mo ako, O Dios,
Sumala sa pagbuot Mo
Hangtud Ikaw makita ko—
Moambit sa himaya Mo.

tune→ (225. Lord, Speak to Me)

84. Ang Buhing Tinapay

Ang buhing tinapay ihatag Mo
Ingon nga pagkaon sa kalag ko;
Nahinangop ako, Dios, Kanimo.
Ang buhing pulong Mo ang buot ko.

Ang buhing tinapay ihatag, Dios,
Aron ako matagbaw nga lubos;
Ang hunahuna ko, tultulan Mo,
Mandoi ang matag lakang nako.

Ipahayag, O Dios, ang pulong Mo
Aron mahimong tin-aw kanako;
Sa paglakaw ko nga kauban Mo,
Dagway Mo mahisilsil kanako.

Panalangini ang kamat'oran
Alang sa bug-os kong katagbawan
Aron ang kagawasan maako
Ug ang kalinaw mabatonan ko.

tune→ (171. Break Thou the Bread)

85. Ginoo, sa Kalooy Mo

Ginoo, sa kalooy Mo,
Kanako, O mosulti Ka;
Gihaw ang akong kalag
Sama sa namalang yuta.

*Ginoo, naa Kanimo
Paglaum ug pahulay ko
Tungod kay ginahupay Mo
Ang kalag ko nga nasubo.*

Bisan pag pasidan-an Mo,
Bulahan gihapon ako
Kay Ikaw nga nagapanton,
Nahigugma 'sab kanako.

Ginoo, hinloi ako,
Ang akong tuyo lig-ona;
Ayohon Mo ang kalag ko
Ug ang kusog ko bag-oha.

Ginoo, sakopa ako
Diha sa kabubut-on Mo—
Malipayong nagatuman,
Minandoan sa tingog Mo.

Copyright→ ©

tune→ (227. Lord, Be Not Silent)

86. Ako May Halad Kanimo

Ako may halad Kanimo,
Jesus nga Sacerdote ko;
Bisan kabus, ihatag ko,
Mao ray maarangan ko—
Unta kahimut-an Nimo.

*Dawaton Mo
Ang kinabuhing halad ko;
Kanimo lang—
Hangtud man sa katapusan.*

Ang Imong labing maayo
Gihatag alang kanako;
Giantus Mo ang Calvaryo
Ug ang pagyubit sa tawo
Aron ang Dios, mailhan ko.

Sukad karon, Imo ako,
Ingon nga galamiton Mo;
Ginahalad ko ang tanan
Diha sa Imong tiilan—
Unta Imong kahimut-an.

Kinabuhi ko, gamita,
Pangitaon ang nawala;
Ang kalipay modagaya
Kon karnero Mong nawala,
Makaplagang tagsa-tagsa.

Copyright→ ©

tune→ (286. An Offering I Would Bring)

87. O Dios, Mosulti Ka

O Dios, sa pagduol namo
Kami sultihan Mo
Kay buot namong madungog
Langitnong tingog Mo.

*O Dios, sa kalomo,
Mosulti Ka matag adlaw;
Mosulti Ka, O Dios,
Kami magpaminaw.*

Sa kaugalingon namo,
Mahigawad kami;
Busa ubos sa gahum Mo
Magpasakop kami.

Kami walay kahadlokan
Kon Imong mandoan;
Tudloi kaming molakaw
Sa tul-id Mong dalan.

O Dios, gamiton Mo kami
Sa gingharian Mo;
Among kinabuhi Imo—
Kini gamiton Mo.

Copyright→ ©

tune→ (230. Lord, in Our Need)

88. May Katagbawan Na Ako

May katagbawan na ako
Sa akong Ginoong Jesus;
Naguol kong kasingkasing
Ginalipay Niyang lubos.
Ang awit sa manga awit
Maoy ginaawit nako
Kay giluwás N'yag gidasig
Ang binilanggong kalag ko.

*Matam-is gayud ang gugma
Ug ang pakig-ambit Niya;
Ako ang Iyang puy-anan,
Kanakano S'ya, kanako na.*

Ang mainiton N'yang gugma,
Ang nakadani kanako;
Gibiyaan ko ang sala,
Midangop ako kang Cristo.
Ang tingog N'ya, madungog ko,
Katahum N'ya, makita ko,
Pagmando N'ya, mabati ko;
Karon ako na si Cristo.

Pagasundon ko si Jesus,
Ang way buling, bisan sala
Hangtud ako mamahingpit
Ug mahisama Kaniya.
Kon ang panaw mahuman na
Ug kadaugan maako,
Sa pag-atubang Kaniya,
Kalipay ko pagkadaku.

Copyright→ ©

tune→ (253. I'm Satisfied in Jesus Now)

89. Matinumanon Man ang Dios

Matinumanon man ang Dios
Sa manga pinili N'ya,
Sa pagdumala kanila
Samtang nagpanaw sila.

*Bag-o gayud matag buntag
Ang manga kalooy N'ya
Kon maghulat lamang kita
Sa atubangan Niya.*

Matinumanon man ang Dios
Sa pagluwas kanila
Gikan sa manga panulay
Kon ginatintal sila.

Matinumanon man ang Dios
Sa matag saad Niya
Ngadto sa manga pinili
Nga nagasalig Kan'ya.

Matinumanon man ang Dios
Sa pagtawag kanila
Sa tam-is nga kaambitan
Hangtud sa puy-anan N'ya.

Copyright→ ©

tune→ (232. God Is Faithful)

90. Bilihon Ang Pulong sa Dios

Bilihon ang pulong sa Dios
Sa mapaubsanon;
Kasaligan ang saad N'ya–
Magpabiling lig-on.

*Aron modaku
Si Jesu-Cristo,
Kinahanglan ko
Nga magpaubos.*

Matagbaw si bisan kinsa
Nga mangita Kan'ya;
Ang nagapasakop sa Dios
Modawat sa grasya.

Sa mainitong pag-ampo,
Mosulbong Kaniya
Usa ka maamyong halad
Nga kahimut-an N'ya.

Sa madagayaon gayud,
Panalanginan N'ya
Bisan kinsang nagahalad
Sa kinabuhi n'ya.

Copyright→ ©

tune→ (249. How Precious Is the Word)

91. Panahon sa Panalangin

Panahon sa panalangin
Ginahatag ni Jesus;
Ang tubod sa kaluwasan,
Gikan Kan'ya nag-agos.

*Siya maoy kauban ko,
Mahayag ang sidlak N'ya,
Nagadayag ug paglaum
Sa naa sa pag-luha.*

Panahon sa panalangin
Makalipay kanako,
Makahatag ug pahulay
Gikan sa kabudlay ko.

Ngano mang magkacapoy pa
Ug magkaluya ako?
Wala ba Siya magsaad,
Kusog alang kanako?

Bisan dunay kasub-anan
Sa akong agianan
Sa gihapon pagkatam-is
Sa Iyang kaambitan.

tune→ (228. Moments of Blessing)

92. Jesus, Tugob Sa Pagdayeg

Jesus, tugob sa pagdayeg
Ang kasingkasing namo
Tungod sa kamatuoran,
Sa kinabuhi Nimo,
Sa kamatayon Mo sa krus
Ug sa pagkabanhaw Mo.
Ang among buhing paglaum
Anaa lang Kanimo.

Ang bililhong kaambitan
Nga nagbugkos kanamo
Labi pang nagakalig-on
Ug matam-is kaayo.
Usaha kami, Ginoo—
Paghigugmaay namo
Mao ang magapadayag,
Gugma namo Kanimo.

Niining kalibutana
Nga mangitngit kaayo,
Mahimo kaming kahayag
Sa ubang manga tawo.
Tudloi kaming motabang
Sa manga nabug-atan,
Magkakuyog sa pagpanaw
Ngadto sa kalangitan.

Sa tibuok namong panaw,
Kami Imong ampingan
Nga matinumanon gayud
Hangtud sa katapusan.
Gikan sa halayong dapit,
Katawhan Mo tiguma;
Umari Ka, Jesu-Cristo,
Pinili Mo, angkona.

Copyright→ ©

tune→ (239. Our Hearts O'erflow)

93. Moduol Ta sa Dios

Moduol ta sa Dios,
Ania na Siya;
Mangapuno unta kita
Sa Espiritu N'ya.

*Moduol ta sa Dios,
Si Cristo ang dalan;
Karon abli na kanato,
Dapit nga balaan.*

Moduol ta sa Dios
Aron mapasaylo;
Sa dugo ni Jesu-Cristo,
Dunay pagpasaylo.

Moduol ta sa Dios
Nga atong Amahan;
Siya ang atong dalaygon
Ug pasalamatan.

Copyright→ ©
tune→ (185. Let Us Draw Near)

94. Ang Kinabuhi Ni Jesus

Ang kinabuhi ni Jesus,
O imong palandungon—
Maglipay kini kanimo,
Maghatag ug kalig-on.

*Dili ka gayud pakyason
Sa Bugtong Anak sa Dios;
Mag-antus uban Kaniya,
Makab-ot mo ang balus.*

Ang sala sa daghang dagway
Nagabatok kanimo;
O magmatinumanon ka,
Sunda ang Magmamando.

Way buling nga kinabuhi
Ang gihalad ni Jesus;
Uban sa dakung kalipay
Nagpahimuot sa Dios.

Talikdan mo ang kangitngit,
Ang kahayag laktan mo,
Dumtan mo ang kasal-anan,
Katarung ampingan mo.

Copyright→ ©

tune→ (331. Evermore Consider Jesus)

95. Dunga Ako, Jesus

Dunga ako, Jesus,
Sa pangamuyo ko;
Ako way kapahulayan,
Hatagan Mo ako.

Dunga ako, Jesus,
Masulob-on ako;
Buot koy kapahulayan
Gikan sa sala ko.

Ang dalan sa sala
Dugay kong gilaktan
Apan mopauli ako,
Kanimong mouban.

Sa gitinguha ko
Manga kalingawan,
Nahigawad lamang ako—
Walay katagbawan.

Nagakangitngit na,
Ubanan Mo ako;
Ayawako pagbiyai—
Mao ang hangyo ko.

Copyright→ ©

tune→ (14. Bow Down Thine Ear)

96. O Atong Palandungon

O atong palandungon
Ang Ginoong Jesus—
Ang Cordero sa atong Dios
Nga nag-antus sa krus.

*Magmatinumanon ta
Maingon kang Jesus;
Matinud-anon sa tinguha,
Magpabilin sa Dios.*

Ang Dios ang nagauna
Sa atong agian;
Kon pagasulayan kita,
May grasya S'yang andam.

Puno gayud sa kuyaw
Ang agian nato;
Mag-ampo ta ug magtukaw
Maingon kang Cristo.

Sa gisaad nga Yuta,
Haduol na kita;
Mabilin kaha sa gawas
Kun pasudlon Niya?

Copyright→ ©

tune→ (364. Let Us Consider Jesus)

97. O Ginoo, Agakon Mo Ako

O Ginoo, agakon Mo ako
Hangtud matapos ang pagpanaw ko;
Dumuloong lang dinhi sa yuta,
Kinahanglan ko, Imong paggiya.

*Ginoo, ampingi ako
Kay buot kong Kanimo mopuyo.
Sa dihang duol Ka malipayon ako
Ug di mahadlok kon ginaagak Mo.*

Ugaling kangitngit, mokuyanap
Ug sa agianan ko motakyap–
Sa kalooy, gilaraw Mo kini
Aron gahum Mo, akong mabati.

Tultulan Mo ako, O Ginoo
Aron di magkulang, pagsalig ko;
Tabangan Mo akong makadaug
Sa akong manga pagpakigbisog.

Copyright→ ©

tune→ (302. Dear Saviour, Lead Me)

98. Tudloi Kami Nga Manag-ampo

O Dios, kinahanglan namo
Ang kalooy Mo;
Naa kami sa kakuyaw,
O tabangan Mo.

*Tudloi kami
Nga manag-ampo
Kay ang gahum sa kangitngit
Batok kanamo.*

Dios, Imo kaming iandam
Sa pakigbisog;
Ikaw lang ang among kusog
Ug panalipud.

O Dios, kaming katawhan Mo,
Imong bantayan
Kay daghang manga kaaway
Ug manga laang.

Ang Balaang Espiritu,
Ihatag Mo, Dios;
Ang manga pag-ampo namo,
Dunggon Mong lubos.

Copyright→ ©

tune→ (190. Teach Us How to Pray)

99. Nagaawas ang Kasingkasing Ko

Nagaawas ang kasingkasing ko
Sa pagdayeg sa akong Ginoo
Kay sa kanunay ginahatag N'ya
Ang kusog nga bug-os ug ang grasya
Nga maoy hingpit nga kasulbaran
Sa tanan kong manga kinahanglan.

Kon panulay moabot kanako,
Ang Ginoo moagak kanako
Aron ako mag-ampo Kaniya
Ug maangkon ko ang Iyang grasya;
Didto ang kahadlok ko makuha
Ug ang kusog ko mapabag-o N'ya.

Sa katarung magalakaw ako
Ug ipadayag ko ang grasya Mo
Aron silang nagamasulob-on
Sa buhing paglaum makabaton
Ug inay nga naa sa pagluha,
Mahibalhin sa kalipay unta.

Copyright→ ©
tune→ (236. My Heart O'erflows)

100. Tudloan Mo Akong Mag-ampo

Tudloan Mo akong mag-ampo,
Kini ang akong pangamuyo;
Jesus, buot kong makat-onan
Ang kabubut-on Mo ug dalan.

Adunay gahum sa pag-ampo
Bisan pa sa daghang kasubo;
Ang maong gahum sa pag-ampo
Unta ihatag Mo kanako.

Tudloan Mo akong mag-ampo,
Ikaw maoy panig-ingnan ko;
Ikaw ang kasigurohan ko,
Tudloan Mo akong mag-ampo.

Nagapuyo ako Kanimo
Ug nia Ka gayud kanako;
Ang akong mainitong hangyo,
Kagahum ihatag kanako.

tune→ (197. Teach Me To Pray, Lord)

101. Nagaampo Sa Kanunay

Nagaampo sa kanunay
Aron di magkaluya;
Si Jesus makagagahum,
Tabangan Niya kita.

*Sa kanunay nagaampo,
Pamation N'ya kita;
Iya kitang panalipdan
Kay kita minahal N'ya.*

Nagaampo sa masubsub,
Mangayo kitag gahum;
Hangtud matapos ang panaw,
Magpadayong malig-on.

Nagaamong mainiton
Kon dunay kasub-anan
Ug kon mosalop ang adlaw
Ug kita magabhian.

Nagaampo sa kanunay
Aron makapadayon
Sa gisugdan natong lumba
Hangtud ganti maangkon.

Copyright→ ©
tune→ (192. Praying Always)

102. Malunhaw Ang Sibsibanan

Malunhaw ang sibsibanan
Nga alang sa panon Niya—
Ang maayong Magbalantay
Ug ang manga karnero N'ya,
Halayo sa kaguliyang,
Didto nagpahulay sila.

*Ang maayong Magbalantay
Ug ang manga karnero N'ya
Adunay kalipay didto
Kay ang Dios kauban nila.*

Misulbong ang kaalimyon
Samtang nag-ampo si Jesus;
Buat natong awaton S'ya
Sa atong pagduol sa Dios
Aron ang atong pag-ampo
Kahimut-an Niyang bug-os.

Gikan sa manga kabudlay
Moduol kita kang Jesus;
Ang panginahanglan nato,
Igahatag Niyang bug-os.
Sa pagpaminaw Kaniya,
May kalipay kitang tim-os.

Ang kalisdanan antuson,
Kini dili kapildihan—
Bisan magpas-an kitag krus,
Kaniya may katagbawan.
Idayag nato sa tanan
Ang Iyang gugma ug ngalan.

Copyright→ ©

tune→ (309. How Fresh and Green)

103. O Dios, Ikaw Ang Buot Ko

O Dios, Ikaw ang buot ko—
Sa akong kalisdanan,
Ikaw ang gipangita ko,
Dungga ako, Amahan.
Kon Ikaw wala kanako,
Kasub-anan maako;
Dios, mosulti Ka kanako
Samtang naghulat ako.

O Dios, Ikaw ang buot ko
Ug ang kalipay nako—
Itugot Mong makita ko,
Hingpit nga katahum Mo.
Hinloan Mo ako, O Dios,
Gikan sa sala nako;
Ang Imong gahum nga bug-os,
Igo gayud kanako.

O Dios, Ikaw ang buot ko—
Natagbaw gayud ako
Sa buhat nga gisugdan Mo
Sa kinabuhi nako.
Mahisama unta ako
Sa dagway sa Anak Mo;
Sa Balaang Espiritu,
O Dios, patiki ako.

Copyright→ ©
tune→ (252. My Soul's Desire)

104. O Balaang Espiritu

O Balaang Espiritu,
Kami patiki
Hangtud moabot ang adlaw,
Matubos kami.

*O Dios, hinloan Mo kami
Aron ang Espiritu Mo
Makakaplag ug pahulay
Dinhi kanamo.*

O Balaang Espiritu,
Kami tabangi;
Sa Amahang maluloy-on
Iduol kami.

O Balaang Espiritu,
Kami lamdagi
Aron kang Cristo lang gayud
Mosud-ong kami.

O Balaang Espiritu,
Pun-on Mo kami;
Bunga ang nagpamatuod
Nga Imo kami.

Copyright→ ©
tune→ (207. Holy Spirit)

105. Espiritung Balaan

Espiritung Balaan–
Ginaagak Niya,
Kang Jesus, matag buntag,
Ang akong hunahuna.
Bumangon ug mag-ampo,
Tubaga ang tawag
Aron way makaulang,
Di mabitik sa lit-ag.

Espiritung Balaan–
Pagbadlong N'ya hinay,
Giagak ako ngadto
Kang Jesus nga namatay.
Kasingkasing ko unta
Pasakop Kaniya;
Sa paghiusa namo
Masayran ko'ng gugma N'ya.

Espiritung Balaan–
May tambag kanako,
“Ang tanang kabalaka
Kang Jesus itugyan mo.”
O kalag, mosalig ka
Sa gugma N'yang daku;
Ang tanan ipiyal mo
Sa Haring nagamando.

Copyright→ ©
tune→ (210. Gently the Holy Spirit)

106. Nahibalo ang Amahan

Nahibalo ang Amahan—
Nagtoo ako
Nga ang akong kaayohan
Ang Iyang tuyo.
Ang kalipay ug kasubo
Sa kinabuhi,
Buot Niyang agian ko—
Maayo kini.

Nahibalo ang Amahan
Sa pag-amoma
Ug ngadto sa Iyang dughan
Ako gakson N'ya.
Bisan may kahigawaran
Ug may kasubo,
S'ya gihapon ang dalangpan
Ug saligan ko.

Ang pagsalig ko Kaniya
Motubo unta
Ingon man ang kalipay ko
Sa Iyang gugma.
Duna akoy katagbawan
Sa pagmando N'ya
Kay ang akong kaayohan,
Maoy tuyo N'ya.

tune→ (276. Precious Thought)

107. Gihigugmag Gipili N'ya

Gihigugmag gipili N'ya—
O pagkatam-is gayud!
Maoy nag-awhag kanako
Nga Kaniya mosunod.

Magmatinumanon Kan'ya
Ug Iyang kahimut-an,
Mao ang akong tinguha
Hangtud sa katapusan.

Matam-is nga hinumduman,
Pagtawag N'ya kanako;
Maoy naghatag kalinaw
Ug kalipay kanako.

Puy-anang kahimut-an N'ya
May katagbawang bug-os;
Adlaw-adlaw may kahayag
Kay naa man si Jesus.

Copyright→ ©

tune→ (365. Approved and Faithful)

108. Kita Sama Sa Mga Bulak

Kita sama sa manga bulak
Nga sa makadyut mangalaya;
Ang anino sa kamatayon
Nagakaduol sa matag usa.

*Kitang tanan nagapanaw
Nga padulong sa katapusan;
Pagkasubo nga palandungon,
Manga kinabuhing giusikan.*

Kinabuhi sama sa landong
Nga padulong sa kamatayon;
Manga kalingawan sa yuta,
Kawang lang ug dili mapuslanon.

Sa adlaw sa pagkabatan-on,
Ang Magbubuhay, hinumdumi;
Kinabuhi nato matapos,
Dili na mobalik ang nangagi.

Sa panahon sa kasub-anan,
Si Jesus lang atong tutukan;
Nag-antus Siyang may kaaghop,
Gugma ba Niya mausik lamang?

Copyright→ ©

tune→ (97. We Are Fading)

109. Dili Ko Gayud Malimtan

Dili ko gayud malimtan
Dihang miabot si Jesus
Ug gipuno Niya ako
Sa manga bahandi sa Dios.

*Dili ko gayud malimtan
Sa nagsulti S'ya kanako,
"Kon tinuod kang tinun-an,
Krus pas-ana, sunda Ako."*

Dili ko gayud malimtan
Ang gugma Niya kanako;
Gibiyaan N'ya ang langit
Ug gitagad Niya ako.

Karon tataw na kanako
Kabubut-on Niyang hingpit;
Ang yanong kamatuoran,
Kanakano tam-is nga awit.

Dili ko gayud malimtan
Dihang Dalan gilaktan ko—
Matag tikang sa pagsunod,
Nagpabag-o gyud kanako.

Copyright→ ©
tune→ (284. I Never Can Forget)

110. Ang Gugma Sa Manluluwas

Ang gugma sa Manluluwas
Igo ug dili mopakyas
Hangtud ako maluwas na
Ug magpuyo kauban N'ya.

*Gugma mao ang nag-agak
Kang Jesus hangtud Calvaryo;
Tungod kanako namatay—
Ang gugma N'ya nakita ko.*

Bisan dili ako takus,
Ang langit giandam sa Dios
Diin ang manga tinubos
Dunay kalipay nga bug-os.

Binistihan sa katarung,
Nawong N'ya ilang masud-ong;
Magabaton sa ngalan N'ya,
Mobarug silang way sala.

Unya kining awit nila,
“Aniay hingpit nga gugma—
Corderong way ikasaway,
Tungod kanako namatay.”

Copyright→ ©
tune→ (217. My Saviour's Love)

111. Labi Kang Mahalon

Manluluwas, dunggon Mo
Ang pag-ampo ko;
Ang gugma ko Kanimo,
O dugangan Mo.
Ikawng kinabuhi ko,
Kanakano magpuyo Ka;
Labing higugmaon Ka—
Akong tinguha.

*Labi Kang mahalon;
Ang gugma ko Kanimo,
O dugangan Mo.*

Migikan Ka sa langit
Tungod kanako
Aron gikan sa sala,
Tubson Mo ako.
Gugma ug pag-antus Mo,
Nakatandog kanako;
Ang gugma ko Kanimo,
O dugangan Mo.

Hangtud sa kamatayon
Gihigugma Mo—
Ihalad ko Kanimo
Kinabuhi ko.
Buot kong makig-ambit
Sa Imong kasub-anan,
Kadungganang batonan
Ang Imong ngalan.

Gitubos Nimo ako
Sa Imong dugo;
Gugmang dili matukib—
Gipadayag Mo.
Giuhaw ang kalag ko
Ug nangandoy Kanimo;
Tugob sa Imong gugma,
Kasingkasing ko.

Copyright→ ©
tune→ (219. Love Thee More)

112. Ang Gugma Ko, Cristo

Ang gugma ko, Cristo, dugangan Mo;
Patalinghugi ang pag-ampo ko.
Kini ang tuyo ko
Ug hangyo Kanimo,
“Ang gugma ko, dugangan Mo.”

Bisan agian ko ang kasubo,
Ikaw ra gayud ang saligan ko.
Kon mag-antus ako
Kini ang awit ko,
“Ang gugma ko, dugangan Mo.”

Ang ulahing honghong sa kalag ko,
Magapasidungog pa Kanimo.
O mahal kong Cristo,
Kini ang hangyo ko,
“Ang gugma ko, dugangan Mo.”

tune→ (220. More Love to Thee)

113. Dios, Tudloi Ako sa Dalan Mo

Dios, tudloi ako
Sa dalan Mo;
O ako agaka,
Tabangan Mo—
Lakang, tul-iron ko,
Mosalig Kanimo.
Kanakano, itudlo
Ang dalan Mo.

Kon kasingkasing ko
May kasubo,
Dios, tudloi ako
Sa dalan Mo;
Sa kahigawaran
Kun sa kadaugan,
Kanakano, ang dalan,
Itudlo Mo.

Kon nagduhaduha
Ug may bagyo,
Dios, tudloi ako
Sa dalan Mo;
Kon may kagul-anan
Ug may kasakitan,
Matarung Mong dalan,
Itudlo Mo.

Samtang buhi ako,
Tudloan Mo
Nga matagbaw ako
Sa dapit ko;
Hangtud makalampus,
Makab-ot ang balus,
Tudloi ako, Dios,
Sa dalan Mo.

tune→ (60. Teach Me Thy Way)

114. O Tudloi Ako

O tudloi ako
Aron akong gugma
Sama unta sa gugma Mo
Kanakano sa una.

O tabangi ako
Moampo Kanimo;
Ang kagahian ko, O Dios,
Unta kuhaon Mo.

O hatagi ako
Sa Imong kaalam
Aron sala talikdan ko
Ug di makaulang.

O tabangi ako
Nga magpasaylo, Dios;
Sa pagkamapahitas-on,
Hinloan Mong lubos.

O tabangi ako
Sa paggawi nako
Aron pulong ug buhat ko
Kahimut-an Nimo.

Copyright→ ©

tune→ (226. O Teach Me How to Love)

115. Ang Buot Ko

Buot kong labi pang mailhan Ka,
Labing duol unta sa pag-ampo;
Sa tingog Mo maminaw nga bug-os,
Dios, ang gipili Mo, pilion ko.

Buot kong labi Kang alagaran,
Ang Imong gahum labing saligan;
Pagbuot Mo labi kong masayran
Ug ang saad Mo labi pang kuptan.

Buot kong magpabilin Kanimo
Ug mosimba sa atubangan Mo;
Labing malinawong magpahulay
Sa pagluwas ug pag-amoma Mo.

Buot kong labi pang makaplagan
Katahum sa Imong manga pulong
Apan labaw sa tanan, buot ko,
Makita Ka sa nawong ug nawong.

tune→ (362. Longings)

116. Gugma Maoy Bandila

Gugma maoy bandila
Sa gingharian N'ya,
Sa manga pakigbisog
Atong iisa;
Bisan pa may kakuyaw
Bandila, iisa–
Paglaum sa katawhan,
Pagdayeg Kan'ya.

Gugma maoy bandila
Sa gingharian N'ya–
Kini ang magpaila
Anak N'ya kita.
Naghigugmaay sama
Sa paghigugma N'ya,
Kita, sa Iyang gugma,
Nagkahiusa.

Ang tuyo sa kaaway
Dauton bandila;
Sa paghigugma Kan'ya,
Modaug kita.
Sa hingpit Niyang grasya,
Kusog nato bug-os;
Ang gugma N'ya kanato
Way pagkatapos.

Copyright→ ©
tune→ (218. Love Is The Kingdom's Banner)

117. Humawid Ka sa Anak sa Dios

Kon kasingkasing mo malipayon
Ug kalag mo may paglaum,
Kon may pagdaug ka ug duol S'ya
Ug malantaw, purongpurong,

*Humawid ka sa Anak sa Dios
Bisan asa Siya
Ug sa putling pagkinabuhi,
Pagpanaw tapusa.*

Kon kasingkasing mo nabug-atan
Ug nagakaluya ka na,
Kon nagapugas kang may kasubo
Ug kapildihan makita,

Ang pagpakigbisog mo matapos
Ug magapasalamat ka
Sa pagsulayng nagtudlo kanimo
Nga mahalon ang dalan N'ya.

Copyright→ ©

tune→ (350. Just Cling)

118. Sa Langit, Dios May Bahandi

Sa langit, Dios may bahandi,
Pagkadili maihap,
Kalipayng way katapusan—
Cristong mahal N'yang Anak.
Sa yuta, Dios may bahandi,
Pagkadili matugkad—
Si Cristong ginapadayag
Sa Iyang manga anak.

Pinaagi sa sudlanan
Tugob sa Iyang grasya,
Sa nasubong kasingkasing
Misidlak, kahayag N'ya.
Sudlanang kabus nagdala
Nga malipayong bug-os
Sa Iyang daku nga gasa—
Ang Anak N'yang si Jesus.

Bisan pa gisulayan ka,
Pagtawag N'ya halangdon;
Mahinlo aron kapuy-an
Sa Iyang gugmang diosnon.
Bisan tinamay sa yuta,
Sudlanang labing ubos,
Nagabaton ug bahandi—
Ang himaya ni Jesus.

Bisan kita wa hiilhi,
Mahimong binalaan;
Sudlanan nga alang sa Dios,
Tugob ni Cristo lamang.
Unta sa pagkatawhanon,
Cristo di masalipdan
Aron nga igamantala
Ang Iyang kasaysayan.

tune→ (351. God In Heaven)

119. O Dios, Salamat sa Adlaw

O Dios, salamat sa adlaw
Sa gikapoy kami
Ug napamatud-ang igo
Ang gugma Mong putli;
Sa manga dalang malisud
Ug adlawng maunos
Kanhi nga milakaw kami
Kauban ni Jesus.

Salamat, Dios, sa pahulay,
Naangkon kang Cristo
Ug sa angay makat-onan
Nga kalolot Nimo;
Sa among pagpakigpanaw
Kauban ni Jesus
Ngadto sa pakig-ambitay
Sa puy-anan Mo, Dios.

May kalipayng di molubad
Bisan mangitngitan;
Ang Ginoo, Dios nga buhi,
Ang among kauban.
Didto sa kahimayaan
Samtang nagasimba,
Kon luha mahinumduman,
Daygon gihapon S'ya.

Ginahinumduman namo
Sa among paghago,
Gihatdan N'ya kamig tubig
Bayad, Iyang dugo;
Karon nagalakaw kami
Sa dalan ni Jesus
Ug among nahikat-onan
Ang tuyo Mo, O Dios.

tune→ (240. We Thank Thee, Lord, for Weary Days)

120. Magapanaw Uban sa Manunubos Ko

Magapanaw uban sa Manunubos ko,
Ako gipangitag nakaplagan;
Gipasaylo Niya ako sa bug-os
Ug giagak N'ya sa Iyang dalan.

*Wala akoy higala sama kang Jesus;
Magapanaw akong kauban Niya.
Wala man gayuy makabulag kanamo
Bisan pa sa langit kun sa yuta.*

Wala akoy higala sama kang Jesus;
Tungod kanako, S'ya nagpaubos
Aron ako, makiglipay Kaniya
Karon ug sa walay pagkatapos.

Gihigugma akong bug-os sa Ginoo;
Ang pagkamatarung ug grasya N'ya
Maoy magahimo kanakong takus
Magpuyo sa langit kauban N'ya.

Magapanaw akong kauban ni Jesus
Bisan pa talikdan S'ya sa uban;
Walay makatupong sa katahum N'ya—
Kanakano, gugma N'ya, mag-atiman.

Copyright→ ©

tune→ (345. I Will Journey All the Way)

121. Di Ko Na Mabakwi

Dios, ang bug-os nga tuyo ko,
Kinabuhi ihalad ko;
Ang panaad ko Kanimo,
Di ko na mabakwi.

*Dios, nagsaad ako,
Kini nadunggan Mo;
Ang panaad ko Kanimo,
Di ko na mabakwi.*

Ginatubag ko si Jesus,
Ginapasakop kong bug-os
Ang kinabuhi ko sa Dios;
Di ko na mabakwi.

Kinabuhi ko Iya na,
Kasingkasing ko trono N'ya,
Kini alang ra Kaniya;
Di ko na mabakwi.

Maningkamot gayud ako
Grasya Niya ang kusog ko,
Bisan mag-antus, saad ko
Di ko na mabakwi.

Copyright→ ©

tune→ (346. I Cannot Now Go Back)

122. Kahibulungan Gayud

Kahibulungan gayud
Buhat Mo kanako–
Kinabuhi nabag-o
Sa pag-abot Nimo
Kay Imong gitutulan
Ang manga lakang ko;
“Kalibutan, did-an mo,”
Honghong Mo kanako.

*Kinasingkasing unta
Nga ako molakaw;
Yuta nagakahanaw
Ug balus malantaw.*

Kaaway sa kalag ko
Kanakano nag-ulang;
Buot n’yang makita ko
Dakung kausikan.
Apan gipakita Mo
Ang labing bililhon–
Purongpurong nga andam
Sa matinumanon.

Ampingi nga matin-aw
Ang akong panan-aw
Aron kabubut-on Mo
Makita sa tataw;
Dili ko unta tagdon,
Kalingawan dinhi
Ug inay nga mahadlok,
Kanimamo mamati.

Copyright→ ©
tune→ (359. So Strange It Seems)

123. Gidaug sa Ginoo

Gidaug sa Ginoo
Kining kalibutan;
Sa pagsunod Kaniya
Dunay kadaugan.

*Kauban ni Cristo
Magalakaw ako;
Gimahal Niya ako,
Pagkabulahan ko!*

Sa dugo sa Ginoo
Nagasalig ako;
Ang tanang sala nako,
Iyang gipasaylo.

Gugma N'ya ang motabang
Kon maglisud ako;
Iya akong giluwás,
S'ya pagadaygon ko.

Ang magtubo sa grasya
Ug sa Iyang gugma
Hangtud sa katapusan
Pagabaslan Niya.

Copyright→ ©
tune→ (360. I Have Overcome)

124. Ang Labing Maayong Yuta

Ang labing maayong yuta,
Atong ginatinguha;
Lumalangyaw lamang dinhi–
Dunggon nato, tawag N'ya.
Buot N'yang mosunod kita
Sa lakang sa Ginoo;
Ang Iyang putli nga gugma,
Magatabang kanato.

Masubsub may kagul-anan
Dinhi sa kamingawan
Apan malipayon kita,
Nasayud S'ya sa dalan.
Nagapakigduyog kita
Sa manga pag-antus N'ya
Ug may bag-ong kinabuhi
Sa kaambitan Niya.

Unta atong tinguhaon
Mahisama kang Jesus;
Kinabuhi nato Iya–
Dasdas aron molampus.
Ang tanang kabubut-on N'ya,
Maoy labing maayo;
Paglabay sa kalisdanan,
Ang kalipay maato.

Copyright→ ©

tune→ (348. Seeking For A Better Country)

125. Kinabuhi Usahay Mangitngit

Kinabuhi usahay mangitngit,
Dili ako makasabot;
Nagatan-aw Ka gikan sa langit,
Motabang sa nagasugot.

*Dios, Imo akong tabangan
Aron moampo Kanimó;
Ang kabubut-on Mo ang matuman,
Dili ang kabubut-on ko.*

Ang pagtul-id sa kinabuhi ko
Dili ko arang mabuhát;
Tultulan ug ampingan Mo ako
Aron di mahisalaag.

Sa gahum Mo himoon Mo ako
Sama sa linghod nga tanum—
Sayon nga bawgon sa paghikap Mo
Aron Ikaw akong sundon.

Unta makita kong tin-aw karon
Ang naa sa unahan ko
Ug ako magapadayon gayud
Hangtud balus madawat ko.

Copyright→ ©

tune→ (261. Not My Will, but Thine)

126. Dili Sa Mga Tawo

Dili sa manga tawo
Nagabudlay ako
Kundili Kanimo, Dios,
Nagalakaw ako.
Dili ko igsapayan
Ang sulti sa tawo;
Matarung ang hukom Mo
Sa kinabuhi ko.

*Kanimo nag-alagad ako—
Sa manga kasakitan,
Kapuslanan kun kapildihan,
Ikaw ang alagaran.*

Unta ang Imong gugma
Magtultol kanako;
Mahisama kang Jesus,
Matuod ang tuyo.
Bisan sa kangitngitan
Kun sa kahayag man,
Ang kalag ko hatagi
Ug kapahulayan.

Kasingkasing nga sad-an
Dili kasaligan;
Di mahimo sa tawo
Magtul-id sa lakang.
Siya nga maalamon
Motutok kang Jesus,
Molakaw sa kahayag,
Mosunod nga bug-os.

Copyright→ ©

tune→ (325. Not Unto Men I Labour)

127. Ayaw Ako Tugoti nga Masubo

Ayaw ako tugoti nga masubo
Sa di kinahanglang kasub-anan;
Kay nahibalo Ka sa kaugmaon,
Ikaw ray akong pagasaligan.

*O Dios, unta ang pagsalig nako
Magpabilin Kanimo.*

Magpabilin unta sa halaran Mo
Ang kinabuhing ginahalad ko;
Ayaw itugot nga ako mosibog
Sa akong pag-alagad Kanimo.

Lig-onon Mo, O Dios, ang paglaum ko
Ug ang akong pagsalig kang Cristo;
Bisan natulog na sa kamatayon,
Pagbalik N'ya, pukawon Mo ako.

Copyright→ ©

tune→ (340. Let Not My Soul)

128. Maihap Sa Katawhan Sa Dios

Bahandig kaalam, wa ko pangandoya
Aron sa tawo pagadaygon;
Ang akong tinguha nga ako maihap
Kanila nga matinud-anon.

*O ako, maihap sa katawhan sa Dios,
Sa manga may kaisog, matinumanon;
Maihap, maihap
Kanila nga matinud-anon.*

Bisan di ko bahin mag-una sa gubat
Apan andam akong motabang;
Barugan ko gayud pagkamatarung N'ya,
Magamaunongon diin man.

Natagbaw na ako kon akong nasayran
Nga ako nahimut-an sa Dios
Ug sa akong dapit, ako magpabilin,
Sa panaw sundon ko si Jesus.

tune→ (337. Counted In)

129. Dunay Kapuslanan

Dunay kapuslanang mag-alagad ta
Nga matinud-anon gayud kang Jesus;
Adunay kalinaw ug katagbawan
Si bisan kinsang mosunod nga lubos.

Dunay kapuslanang magtigum kita
Ug manga langitnong katigayunan;
Di kawaton ang natigum sa langit-
Kang Jesus kini may kasigurohan.

Dunay kapuslanang maghatag kita
Sa tibuok kinabuhi Kaniya;
May kapuslanang mahigugma kita
Sa manga butang nga kahimut-an N'ya.

Dunay kapuslanang kita mamatay
Aron dinhi kanato maghari S'ya;
Si Jesus mobalik ug di maglangan,
Andam ba kitang mosugat Kaniya?

Copyright→ ©

tune→ (108. It Pays to Serve Jesus)

130. Ihatag Mo ang Labing Maayo

Ihatag mo sa Ginoo
Imong labing maayo;
Kusog sa pagkabatan-on
Kaniya ihalad mo.
Si Jesus ang panig-ingnan,
Matinud-anon Siya;
Maarangan mo buhata-
Kini igo Kaniya.

*Ihatag mo sa Ginoo
Imong labing maayo;
Dala ang hinagiban N'ya,
Gubat atubangon mo.*

Ihatag mo sa Ginoo
Imong labing maayo;
Kaniya lamang ihalad
Ang kasingkasing nimo.
Ang Anak N'yang pinalangga,
Gasa alang kanato;
Siya imong dalayegon
Sa pagkinabuhi mo.

Ihatag mo sa Ginoo
Imong labing maayo;
Gitubos ka sa dugo N'ya,
Migikan S'ya sa trono.
Kinabuhi N'ya gihalad
Aron mamaluwas ka;
Pagsimba ug pagtahod mo,
Ipahinungod Kan'ya.

tune→ (33. Give Of Your Best)

131. Gihigugma Nako

Gihigugma nako
Ang hingpit nga Dalan;
Si Jesus pagasundon ko,
S'ya ray alagaran.

*Gihigugma nako
Ang Magbalantay ko;
Ang Iya rang kabubut-on
Ang tumanon nako.*

Hingpalkan N'ya ako
Nga tugob sa sala;
Apan ako gipasaylo
Ug gilipay Niya.

Nagdasig kanako
Ang kinabuhi N'ya;
Ginamahal ko ang dalan
Nga gilaktan Niya.

S'ya ang Magmamando
Sa kinabuhi ko
Ug ang Iyang kabubut-on
Maoy tumanon ko.

Copyright→ ©
tune→ (254. I Love the Perfect Way)

132. Dios, Pagkamaayo Gayud

Dios, pagkamaayo gayud
Nga ang Imong katawhan
Nagkahiusag binugkos
Sa Anak ug Amahan.
Nagayukbo kami, O Dios,
Hatagig kagawasan;
Sa panaghiusang bug-os,
Kami Imong dihugan.

*Samtang kami nagasimba
May pagdayeg, kataha,
Dios, kami panalangini
Ug dayong kinabuhi.*

Dios, pagkamaayo gayud
Nga ang Imong katawhan
Nagkahiusag binugkos
Sa Imong binuhatan.
Unta ang Espiritu Mo
Maghiusa kanamo,
Sa kalomo nagahatag
Ug kalinaw kanamo.

Dios, pagkamaayo gayud
Nga ang Imong katawhan
Nagkatinambayayongay
Hangtud balus mahuptan.
Sila, binugkos sa gugma,
Nagaduol Kanimo,
Kasingkasing nagaawas
Sa pagdayeg Kanimo.

Copyright→ ©
tune→ (332. Lord, How Good)

133. O Ma-usa Unta Sila

“O ma-usa unta sila,”
Ang pag-ampo ni Jesus
Samtang S’ya kauban nila
Ayha namatay sa krus.

*Nagkahiusa kita
Uban sa gipangtubos
Ug S’yang nagmahal kanato
Sa walay pagkatapos.*

“O ma-usa unta sila
Ingon nga Kita usa.”
Bisan dyutay lamang sila
Mahimong saksi Niya.

“Silang manga magatoo
Kanakano usahon Mo;
Tungod niini madayag
Nga gisugo Mo Ako.”

“O ma-usa unta sila,”
Karon nangamuyo S’ya;
Buot N’yang makita sila,
Binugkos sa gugma N’ya.

Copyright→ ©

tune→ (333. May They All Be One)

134. Natago sa Dios

Matam-is gayud, O Dios,
Nga hunahunaon ko
Paghatag Mo kanako
Sa pakigdait Nimo.
Ako, uban kang Cristo,
Natago na Kanim.

Naa na sa kamot Mo
Kining kinabuhi ko,
Gisalipdan sa gugma
Ug sa dakung gahum Mo.
Ako, uban kang Cristo,
Natago na Kanim.

Siya nga kalinaw ko
Ug kinabuhi nako,
Namatay didto sa krus
Aron matubos ako
Ug matago Kanim
Nga kauban ni Cristo.

Copyright→ ©
tune→ (258. Hidden)

135. Ang Ginahandum Mo

Kon may kalisdanan ako
Ug matunok ang dalan ko,
O Dios, ginahandum Nimo
Ang bahin kanako.

*Dios, bahin kanako
Ang ginahandum Mo;
Di gayud ako mahadlok–
Duol Ka kanako.*

Bisan may manga pagsulay,
Kabalaka ug kaaway,
Ginahandum Mo kanunay
Ang bahin kanako.

Bisan pa sa kalisdanan
Kun sa manga kasub-anan,
Duna akoy katagbawan
Sa Imong paghandum.

tune→ (289. Thou Thinkest, Lord, of Me)

136. Mouban Ako Kang Jesus

Mouban ako kang Jesus
Bisan may nagaulang;
Di gayud ako mobulag
Hangtud sa kahangturan.

*Kang Jesus, mouban
Hangtud sa kahangturan.*

Dili ko pagabudhian
Siya nga Ginoo ko;
Gugma N'ya, mahal kanako,
S'ya ang pagasundon ko.

Magpanaw ako kanunay
Kauban ang Ginoo;
Wala gayuy makabulag
Kaniya ug kanako.

Ang among panaghiusa
Labing magakalig-on;
Di gayud ako mobulag
Apan magapadayon.

Copyright→ ©
tune→ (290. All the Way)

137. Privilegio Kong Magbudlay

Gihatagan ako sa Dios
Usa ka kinabuhi;
Buot Niyang pagapuy-an,
Di ako magdumili.

*Privilegio kong magbudlay
Nga kauban ni Jesus;
Sama sa manga nag-una,
Matinumanong bug-os.*

Ginaampo ko ang tanan,
Tumanon ko, buot N'ya;
Ang Iyang gikahimut-an
Kanakano buhaton N'ya.

Igahalad ko Kaniya
Akong labing maayo;
Mainiton kong tinguha—
Kahimut-an N'ya ako.

Bahin ko ang makig-ambit
Sa pagkatinamay N'ya,
Sa pagdagmal, sa kasakit
Ug sa Iyang himaya.

Copyright→ ©

tune→ (353. Mine The Privilege)

138. Kasingkasing Ko Nagapahulay

O Dios, ang kasingkasing ko
Nagapahulay man,
Tuburan sa panalangin
Akong nakaplagan;
Ikaw ra ang nagatagbaw
Sa panginahanglan,
Ang hatag sa kalibutan
Kapakyasan lamang.

Kasingkasing ko nangandoy
Sa tubig nga buhi
Ug bahandi sa gugma Mo—
Ania ra dinhi!
Duna akoy bag-ong awit—
O Dios, dalaygon Ka
Tungod sa wa pa madawat
Nga bug-os Mong grasya.

O Dios, dalayegon Ikaw
Kay gibati nako
Kahuyang nga nagaawhag
Nga ako mag-ampo;
Aduna akoy kalipay
Tua pa sa tago,
Ginatipigan Mo kini
Alang ra kanako.

Kasingkasing may pahulay
Sa pag-alima Mo
Ug ang tingog sa kalipay
Maoy madungog ko—
“O, Ikaw ang akong bahin,”
Daghang nanag-ingon;
Ang tingog sa awit nila
Walay kamatayon.

tune→ (244. My Heart Is Resting)

139. Kasingkasing Kinahanglan

Kasingkasing kinahanglan
Dinhi sa kalibutan:
Kadtong way pagduhaduha,
Cristo ang ginasundan,
Dunay kaisog, kasibot
Ug tinguha nga lonlon
Nga Dios lang ang higugmaon,
Dayegon ug awaton.

*Kasingkasing nga malig-on
Sa mainit nga bugno–
Di hadlok sa kamatayon,
Sa Dios lang nagatoo.*

Kasaligang kasingkasing,
Mabinationg bug-os,
Dili gayud maluibon,
Tugob sa gugma sa Dios.
Kasingkasing nga gipuy-an
Ug sa Dios, gimandoan;
Bisan gisakit nag-ampo,
“Pagbuot Mo matuman.”

Kasingkasing nga may gugma
Alang sa nangawala,
Mahumok ug maluloy-on
Sa dato kun timawa;
Kasingkasing nga giampo
Mahisama kang Jesus,
Malipayong nakig-ambit
Sa kalisdanan sa krus.

tune→ (321. Hearts It Is The World Requires)

140. Dunay Usa Ka Tinguha

Dunay usa ka tinguha
Kining kasingkasing nako—
Tumanon ang kabubut-on
Sa langitnong Amahan ko.

*Kining akong kinabuhi
Ginaampo ko Kaniya;
Pagaampingan N'ya kini
Hangtud sa puloy-anan N'ya.*

Dalang gilaktan ni Jesus
Aron mamaluwas ako
Sundon nakong malipayon;
Biyaan ko ang dalan ko.

Nganong ginapangita ko
Manga butang nga mahanaw?
Gitubos ako ni Cristo,
Siya lang ang makatagbaw.

Copyright→ ©

tune→ (358. My Heart Has One Desire)

141. Mahumok Nga Kasingkasing

Kasingkasing nga mahumok,
O ihatag Mo kanako,
Bag-o ug matinud-anon
Sama sa kasingkasing Mo.
Kuhaa kanako gahing kasingkasing,
Ang puno sa grasya, ihatag kanako;
Tugob sa kalooy ug masinabuton,
Mao ang ihatag Mo kanako.

Kasingkasing nga mahinlo,
O ihatag Mo kanako;
Bisan dili ako takus,
Espiritu Mo magpuyo.
Kalimtan ang sayup, gibuhat kanako
Ug ipakita ko ang Imong kalomo;
Putling kasingkasing, mapinasayloon,
Mao ang ihatag Mo kanako.

Kasingkasing nga way limbong,
O ihatag Mo kanako
Aron sa nanginahanglan
Kanunay motabang ako.
Buot kong mabati, pagbati sa uban,
Parehong tabangan– kaawayg higala;
Kasingkasing unta nga madinuyogon,
Ang akong batonan, bisan asa.

Copyright→ ©
tune→ (215. A Tender Heart)

142. Mabuhí Ka Alang sa Uban

O mabuhí ka unta
Alang sa ubang tawo;
Nabuhí man sa ingon
Ang Manluluwas nato.

*O mabuhí ka unta
Aron kinabuhí mo
Mahimong panalangin
Alang sa ubang tawo.*

O mabuhí ka unta
Alang kang Jesu-Cristo
Nga nabuhig namatay
Alang sa ubang tawo.

O mabuhí ka unta
Uyon sa pagbuot N'ya—
Manggihatagong bug-os,
May tinuod nga gugma.

Kon ikaw mamatay na
Ug mopauli sa Dios,
Pagkadakung kalipay—
Maangkon mo ang balus!

tune→ (324. Live For Others)

143. Ginoo, Ikaw Nasayud

Ginoo, Ikaw nasayud
Sa panginahanglan ko;
Sa pag-ampo, nagahulat
Nga mamati Kanimo.
Unta may pag-uyon ako
Sa Imong kabubut-on;
O Imo akong tagbawon
Sa Imong buhing pulong.

*Kalag ko nagapangandoy
Sa Imong kahupnganan;
Binalaan, nahimut-an,
Ako Imong patikan.*

Ginoo, Ikaw nasayud
Sa panginahanglan ko;
Mosunod ako kanimo
Diha sa kahayag Mo.
Sa manga kaluyahon ko,
O tabangan Mo ako;
Himoang sama kang Jesus
Kining kinabuhi ko.

Ginoo, Ikaw nasayud
Sa panginahanglan ko;
Dungga ang akong pag-ampo
Ug ako kaloy-an Mo.
O hinumdumi ako, Dios,
Grasya Mo kinahanglan
Aron makasunod ako
Hangtud sa katapusan.

Copyright→ ©

tune→ (200. Lord, My Heart's Deep Need)

144. Pas-anon Mo ang Imong Krus

“Pas-anon mo ang imong krus,”
Giingon ni Jesu-Cristo,
“Kon mosunod ka Kanako,
Kaugalingon, did-an mo.”

Pas-anon mo ang imong krus
Ug dili ka mabalaka
Kay tabangan ka ni Jesus—
Igo gayud ang grasya N’ya.

Pas-anon mo ang imong krus
Ug dili mo ikaulaw;
Ang krus usab giantus N’ya
Aron mamaluwas ikaw.

Pas-anon mo ang imong krus
Ug mosunod ka kang Jesus;
Kini maghatud kanimo
Sa tinuod nga paglampus.

tune→ (96. Take Up Thy Cross)

145. Jesus, Krus Ginapas-an Ko

Jesus, krus ginapas-an ko
Sa pagsunod Kanimó;
Bisan ako ginatamay,
Magapadayon ako.

*O Cristo, tungod kanako
Naula ang dugo Mo;
Bisan ila Kang talikdan,
Mosunod gihapon ako.*

Bisan pa ako kawad-an
Sa tanang kabtangan ko,
Dato ang akong kahimtang
Kay Ikaw kauban ko.

Bisan ako ginatamay,
Gitamay Ka 'sab nila;
Manga tawo malimbongon,
Di Ka sama kanila.

Ikaw ang dalangpanan ko
Kon ginalutos ako;
Bisan dunay kalisdanan,
May pahulay Kanimó.

tune→ (25. Jesus, I My Cross Have Taken)

146. Kasingkasing ug Tuyo

Kanunay may honghong kanako
Gikan sa Yuta nga Halayo,
“Ampingi ang kasingkasing mo,
Ikaw kinahanglan ko.”

*Ubanan Mo ako, Jesus,
Hangtud sa puy-anan Mo;
Tabangi akong mopanaw
Uban sa putling tuyo.*

Sa sulod ko may kahadlokan
Ug sa gawas may kaulangan;
Kini ang buot kong masayran—
Tuyo ko ba tinuod?

Molakaw akong may pagtoo,
Paglaum moagak kanako;
Uban sa gugma, ampingan ko
Kasingkasing ug tuyo.

Copyright→ ©

tune→ (381. Heart and Purpose)

147. O Kinasingkasing Unta

O kinasingkasing unta
Samtang kami nagpanaw
Ug ang among pag-alagad,
Di unta salingkapaw.

*O tabangan Mo kami, Dios,
Nga magmatinumanon;
Mouyong kinasingkasing,
Dili magmasupakon.*

O kinasingkasing unta
Kining paghalad namo
Aron makapahimuot
Hangtud sa puy-anan Mo.

O kinasingkasing unta
Ang among panag-ampo;
Nagapamati Kanimu,
Sugo Mo sundon namo.

Katagbawan maangkon lang
Sa pag-alagad namo
Nga kinasingkasing gayud
Sa Hari ug Ginoo.

Copyright→ ©
tune→ (322. Help Me, Lord)

148. Bisan Wala Akoy Kadunggan

Bisan wala akoy kadunggan,
Kang Cristo, malipayong mouban;
Sa espiritu magpugas ako
Aron ang purongpurong maako.

Bisan wala akoy kadunggan,
Si Jesus 'sab niini nawad-an;
Kinahanglang magakunhod ako
Aron magkadaku ang Ginoo.

Bisan wala akoy kadunggan,
Uban kang Cristo, akong lauman
Ang walay paglubad nga himaya
Nga di matamay ni bisan kinsa.

Bisan wala akoy kadunggan,
Kang Jesus adunay katagbawan;
Sa mabuhi kun mamatay ako
Ang saad N'ya pagasaligan ko.

Copyright→ ©

tune→ (408. No Reputation)

149. Dios, Sa Pagsalig Kanimó

Dios, sa pagsalig Kanimó,
May kalinaw ako
Kay ginahunahuna Mo
Ang kaayohan ko.

Bisan pa ang kalisdanan
Masinati nako
Ug ako dunay kapit-os,
Igo Ka kanako.

Bisan ako masakiton
Ug may kagul-anan,
Kon maoy kabubut-on Mo,
Kini maayo man.

Maayo bisan maako
Ang kahigawaran
Aron kining kalibutan
Dili ko saligan.

Dios, sa pagsalig Kanimó,
May kalinaw ako
Kay Ikawng makagagahum
Ania kanako.

Sa pagpamati Kanimó,
Mamatul-id ako;
Sa hingpit nga pagsalig, Dios,
May kalinaw ako.

tune→ (278. Oh! For the Peace)

150. Minahal Kong Manluluwas

Minahal kong Manluluwas,
Ihatag kanako
Ang hingpit nga kalinaw Mo.
Kuhaon Mo ang kasubo,
Dumuol kanako
Ug tabangi ako.

Ikaw ang tagoanan ko
Kon tintalon ako;
Ikaw akong pangitaon
Kay Ikaw matinumanon.
Wa nay kahadlokan
Kon Imong salipdan.

Sa manga kasub-anan ko,
Moduol Kanimó;
Ako Imong pagadunggon
Ug Imong pagahupayon.
Panginahanglan ko,
Ginahatag Nimo.

Kon ako tawgon na Nimo,
Mopauli ako—
Kalipay ko pagkadaku
Kon madunggan ang sulti Mo,
“Anak, umari ka
Ug magpahulay ka.”

Copyright→ ©

tune→ (315. Dear Saviour, Let Thy Peace)

151. Ang Hingpit Mong Gugma

Padak-a kanako, Dios,
Ang hingpit Mong gugma
Aron magmatarung ako,
Mobiya sa sala.

*Padak-a kanako
Ang hingpit Mong gugma;
Dili ko Ikaw talikdan
Bisan pag anus-a.*

Ang hingpit Nimong gugma
Modasig kanako
Sa pagtumang masibuton
Sa kabubut-on Mo.

Samtang nagakadaku
Ang hingpit Mong gugma,
Ang pagyubit antuson ko
Ug himayaon Ka.

Dios, sa hingpit Mong gugma,
Ang katawhan Nimo
Usahon Mo sa pagsunod
Sa kabubut-on Mo.

Copyright→ ©
tune→ (216. Thy Perfect Love)

152. Dalan N'ya Labing Maayo

Ang pulong ni Jesu-Cristo
Nagapukaw sa kalag ko,
“Mobalik ra Ako unya,
Mag-ampo ug magtukaw ka.”

*Dalan N'ya labing maayo,
Maoy pagalaktan nako;
Ang tinguha nakong lonlon
Maoy magmatinumanon.*

Masubsub gipalandong ko
Ang pagbalik sa Ginoo
Sa pagkuha N'ya kanila
Nga naglakaw sa dalan N'ya.

Ang dalan N'ya akong sundon
Bisan ila pang tamayon;
Mahimut-an unta ako
Inigbalik sa Ginoo.

Ang tinuod nga gugma N'ya
Ug ang igo Niyang grasya
Maoy mag-amping kanako
Hangtud Siya makita ko.

Copyright→ ©

tune→ (282. His Way Is Best)

153. Dalan Ugma

Dalan ugma di nato masayran,
Molakaw lang kita;
Magasalig kita sa Amahan,
Dalan nasayran N'ya.

*Sa gugma gisalipdan sa Amahan
Ang atong kaugmaon
Kay nasayud S'ya nga igo karon,
Atong manga palas-anon.*

Nagakupot sa hingpit N'yang gugma,
Nagalakaw kita
Ug uban sa hugot nga pagtoo,
Nagasunod kita.

Ang manga katalagman sa dalan
Makita man Niya;
Ang atong lakang Iyang ilikay
Sa lit-ag sa sala.

Kon langit nato magmadag-umon,
Dunggon ang pulong N'ya,
“Kini mahanaw ug may paglaum
Nga magalamdag ra.”

Copyright→ ©

tune→ (270. Tomorrow's Path)

154. Nakaila Ko Si Cristo

S'ya nga akong gitoohan,
Nakaila ko pag-ayo
Ug sa adlaw sa paghukom,
Katarung N'ya ang bisti ko.

*Nakaila ko si Cristo
Ug ako nagasalig man
Nga ang manga karnero N'ya
Sa bug-os, Iyang ampingan.*

Siya akong nakaila—
Kaniya lang, pagsalig ko;
Dawaton ko, pagbuot N'ya
Bisan ipaubos ako.

Siya akong nakaila—
Di matukib ang gugma N'ya;
Wala gayuy kinutuban
Madagayaon N'yang grasya.

Siya akong nakaila—
Wala akoy kahadlokan;
Bisan mahanaw ang tanan,
S'ya ang lig-on kong dalangpan.

Copyright→ ©

tune→ (273. I Know In Whom I Have Believed)

155. Wala Ko Masayri Ngano

Wala ko masayri ngano
Gidayag kanako
Ang grasya ug gugma Niya
Nga miangkon kanako.

*Apan akong nakaila S'ya
Nga maoy akong ginasaligan;
Ampingan Niya ang tanan
Hangtud sa katapusan.*

Wa ko masayri naunsa
Nga sa Iyang pulong
Mitoo ako sa bug-os–
Ang kalinaw naangkon.

Wa ko masayri naunsa
Nga ang Espiritu
Nagmugna sa kasingkasing
Ug pagsalig kang Cristo.

Wa ko masayri anus-a
Ang pagbalik Niya
Ni ang pagtawag kanako
Aron sugaton ko S'ya.

tune→ (271. I Know Not Why)

156. Ang Sunod Kong Lakang

Umalabot di ko makita,
Kusog ko, di kalauman;
Apan Kanimo nagasalig
Sa akong sunod nga lakang.

*O Jesus, ang sunod kong lakang
Ampingan Mo sa laraw sa Dios;
Paglaum ko naa Kanimo,
Lig-onon Nimo akong bug-os.*

Gisaad Mo ang Imong grasya
Nga modaug sa panulay;
Gitagana Mo ang lutsanan
Aron sa lit-ag molikay.

Kapakyasan ginakalimtan
Sa kaaging masal-anon
Ug nagatutok sa unahan,
Ikaw ra ang akong sundon.

Kon sunod kong lakang salipdan
Sa kangitngit ug sa bagyo,
Kauban sa Dios, makalakaw;
Tul-iron N'ya ang lakang ko.

tune→ (277. The Next Step)

157. Kinabuhing May Kadaugan

Usa ka kinabuhi
Nga may kadaugan,
Mahimong imong bahin
Sa adlaw nga tanan.
Kadaugan gibayran
Sa krus sa Calvaryo;
Sala di magahari,
Luwas ka kang Cristo.

Buot mo bang masayran
Unsaon pagdaug?
Tugotan mo si Jesus
Magharing tinuod;
Dugmok mong espiritu
Nga gibihag Niya,
Isigkamananaug
Inigpadayag N'ya.

Bisan alagian mo
Mongitngit pag-ayo,
Tutuki ang saad N'ya—
Pagdaug maimo.
Ang hugot nga pagtoo
Modasig kanimo;
Diha sa pakigbisog,
Kusog, maangkon mo.

Pakigbugno mosamot
Sa ulahing takna;
Ang manga mauyonon
Makabarug sila
Kay gidawat si Cristo
Ug gipahari S'ya.
Sila magmadaugon
Nga kauban Niya.

tune→ (294. A Life Of Overcoming)

158. Dunay Kusog sa Kaaghop

Dunay kusog sa kaaghop, pagsalig ug gugma,
Nagapadayon pa ako bisan may kaluya;
Si Jesus ang Magtutultol, Siya ang kahayag—
Nagadan-ag sa dalan, maoy nagaagak.

Nagahatag ug paglaum ang kasanag Niya;
Ang dakung kalooy Niya ang nagapakita
Manga bahandi sa langit sa matinumanon,
Nagabuhat uyon sa Iyang kabubut-on.

Kusog ko gikan Kaniya, walay kakulangan;
Tinapay, tubig nga buhi dakung katagbawan.
Ginahatag N'ya ang tanan nga kinahanglan ko;
Tinuod ang saad N'ya ug nagapadato.

Ginapakabilihon ko ang pagtawag Niya,
Kinahanglan nga sulayan niining panawa;
Sa pagdagmal sa panulay ug pagkatawhanon,
“Humilum ka,” honghong N'ya imong pamation.

Copyright→ ©

tune→ (283. Strong in the Strength)

159. Manlimbasog Ka ug Magpadayon

Manlimbasog ka ug magpadayon
Nga kauban ang Manunubos;
Di ka magkakapoy sa paglakaw
Hangtud ang panaw mo matapos.

*O manlimbasog ka—
Kanunay magbudlay, mag-ampo;
Ang kinabuhi mo
Sa halaran, ampingan nimo.*

Manlimbasog ka, ayaw paglangan,
Nagakabaga ang kangitngit;
Kakuyog N'ya, may kasigurohan
Bisan daghang lit-ag ug bitik.

O manlimbasog ka nga mosunod
Sa manga lakang sa Ginoo
Ug sa manga nauna sa langit—
Walay uhaw ug gutom didto.

Makighigala ka sa kanunay
Kang Jesus samtang nia ka pa;
Sa langit, nagahulat kanimo—
Walay hunong nga daygon mo S'ya.

Copyright→ ©

tune→ (366. Pressing On)

160. Kalauman Ka Kaha?

Sa atong pagpakigbisog
Alang sa kamat'oran,
Kasaligan nga ulipon
Ang Iyang kinahanglan—
Maunongon ka kaha
Ug mahimong lauman?

*Kalauman ka kaha?
Magmatinumanon ka
Ug magmaisugon ka
Aron malauman N'ya.*

Moasdang kita sa gubat
Isip sundalo Niya;
May kusog gikan kang Jesus,
Nagapakigbisog ta
Batok sa pagpanglimbong,
Kangitngitan ug sala.

Ginasud-ong kita sa Dios,
Kini tabang kanato;
Si Jesus ang nagauna,
Ang pagdaug maato.
Ang balus gitagana—
Naglaum S'ya kanimo.

composer→ Ira B. Wilson

tune→ (372. May The Lord Depend On You?)

161. Ang Panalipud Isul-ob Mo

Ang panalipud isul-ob mo
Alang sa pagpakiggubat mo;
Ang nag-una mao si Cristo—
Pagdaug maimo.

*Pagtukaw uban sa pag-ampo,
Makadaug ang mangamuyo;
Kalasagon mo ang pagtoo
Diha sa buhing Dios.*

Kupti ang hinagiban sa Dios,
Ang sugo N'ya sunda nga lubos—
Magmatinumanon kang bug-os
Aron makadaug.

Ang kotamaya sa katarung,
Salukot nga kinahanglanon,
Maoy panalipud nga lig-on
Alang sa pagdaug.

Tiil nga sinapinang lubos
Nagdalag kadaitang bug-os;
Nan, magakalipay kang tim-os
Tungod kay mingdaug.

Copyright→ ©

tune→ (373. Clad in Your Armour)

162. Dios, Salamat sa Mga Batan-on

Dios, salamat sa manga batan-on
Nga nagahigugma sa dalan Mo;
Wa igsapayan ang kalingawan
Ug nagpiling paagak Kanimo.

*Ginoo, ampingi sila
Diha sa Imong dakung kagahum;
Sa gingharian Mo, nagatabang sila,
Nagadumili sa kaugalingon.*

Kon nagahari ang pagkatawo,
Ginatamay ang pagtulon-an Mo
Ug ginadaut ilang pagtoo,
Panalipdan Mo sila, Ginoo.

Kon nagalimbong ang Maninintal,
Sa pagbudhi, ginahaylo sila,
Tabangan Mo sila nga masayud
Nahangawa ang Amahan nila.

Copyright→ ©

composer→ C. Austin Miles

tune→ (323. Youth)

163. O, Pagkatam-is

O, pagkatam-is kon kita
Bulag na sa tanang sala–
Mosunod kang Jesus.
Sa kaugalingong dalan,
Giluwas N'ya kitang tanan–
Mosalig ta sa Dios.

Pagkatam-is magpaubos
Sa tiilan sa atong Dios
Ug pahimut-an S'ya.
Idayag nato sa tawo
Ang espiritu ni Cristo–
Magmalinawon ta.

O, pagkatam-is kon kita
Nagapasakop Kaniya
Aron gamiton N'ya.
Ang tanang panghunahuna
Igapasakop Kaniya–
Mahimuot Siya.

Matam-is nga makahuman
Sa lumbang atong gisugdan–
Mopauli sa Dios.

Pagkatam-is kon moadto
Sa langit ang espiritu
Ug magpuyo sa Dios.

tune→ (247. How Sweet It Is)

164. Matam-is Mahibaloan

Amahan ko ang naglaraw
Sa kalipay ug kasubo;
Sa tanang manga pagsulay,
Grasya N'ya igo kanako.

*Matam-is mahibaloan
Nga Iya akong salipdan;
Pinaagi sa pagtoo,
Makita nako si Cristo.*

Sa sulod ko may kalisang,
Sa gawas may nagaulang;
Wa akoy pagduhaduha
Sa grasya N'yang kasaligan.

Bisan unsay umalabot,
Kuptan ko ang saad Niya
Aron sa pagpasakop ko,
Ikapadayag ko Siya.

Samtang may kinabuhi pa,
Buot nakong sundon Siya
Aron kon tawgon N'ya ako,
Magabaton sa dagway N'ya.

tune→ (280: How Sweet the Thought)

165. Pagkatam-is sa Kapahulayan

Pagkatam-is sa kapahulayan
Pag-agi sa manga kapakyasan
Ug mingdaug ang kabubut-on Mo;
Ang tuyo Mo tumana kanako.

*Pahulay Mo ihatag kanako
Aron ang kalinaw maangkon ko.*

Pagkatam-is sa kapahulayan
Kon ang kaugalingon pagdid-an;
Kang Cristo may bag-ong kinabuhi–
Makapahimuot ug maputli.

Pagkatam-is sa kapahulayan
Sa dihang pangabudlay mahuman;
Pagdayeg ko, Kanimo, ihalad–
Pagdaug, Ikaw ang nagahatag.

Pagkatam-is sa kapahulayan
Inig-abot na sa katapusan;
Kauban Mo ug Imong katawhan,
Magpuyo hangtud sa kahangturan.

Copyright→ ©

tune→ (317. Sweet Is the Rest)

166. Dios, Kon Mangitngit ang Dalan

Dios, kon mangitngit ang dalan namo,
O tudloi kami sa pag-ampo;
Unta ang kabubut-on lang Nimo
Ang matuman.

Kon nag-ulang kanamo ang sala
Ug ang panulay nagakabaga,
Kabubut-on Mo, among tinguha
Nga matuman.

Bisan dunay manga alantuson
Ug kahigawad among maangkon,
Tuyo namong Imong kabubut-on
Ang tumanon.

Paghinlo Mo among kinahanglan,
Sa paglakaw, O Imong tabangan;
Unta ang kabubut-on Mo lamang
Ang matuman.

O Ginoo, ang kinabuhi Mo,
Sa pagdaug, nagtudlo kanamo;
Saad namong ang kabubut-on Mo
Ang tumanon.

Copyright→ ©

tune→ (260. Dear Lord, When Dark)

167. Dios, Sa Panginahanglan Ko

Dios, sa panginahanglan ko,
Tabangan Mo ako
Aron niining adlawa,
Mounong Kanimo.

Bisan pa ang akong bahin
Dili ang pili ko,
Nasayud akong di kawang
Ang kabubut-on Mo.

Kon ikaw akong kauban,
Malinawon ako;
Bisan mobatok ang tanan,
May pahulay ako.

Kon mongitngit ang dalan ko,
Ang kamot ko, kupti;
Hangtud man sa kagabhion,
Dios, ako, ampingi.

Copyright→ ©

tune→ (259. Lord, in My Need)

168. Ang Bato nga Daku Kay Kanako

O Ginoo, dungga ang pagtuaw ko—
Ako naa sa tumang kasubo;
Agakon Mo unta ako padulong
Sa Bato nga daku kay kanako.

“May paglaum, sulayan mo pag-usab,”
Sa kaguol maoy panghupay Mo;
Bisan napakyas, ako nagasalig
Sa Bato nga daku kay kanako.

Pagkamapahitas-on ug katig-a
Kuhaon Mo kanako, Ginoo;
Tabangan Mo ako nga pangitaon
Ang Bato nga daku kay kanako.

Kon natugob ako sa kasub-anan
Ug wa masabti ang Imong tuyoy,
Unta dili ako magduhaduha
Sa Bato nga daku kay kanako.

Kon tintalon ako aron ilimud
Ang Manluluwas ug Ginoo ko,
Lig-ona ako sa akong pagtoo
Sa Bato nga daku kay kanako.

tune→ (288. Lead Me to the Rock)

169. O Tultulan Mo Ako

Jesus, malipayon ako
Sa pagsunod Kanimo
Kay sa alagianan Mo
May kaluwasan ako.

*O tultulan Mo ako
Sa manga tunob Nimo
Hangtud sa puy-anan Mo.*

Ginamahal ko ang Dalan
Ug ang matag lakang Mo;
Kalipay ko ang magtuman
Sa kabubut-on Nimo.

Bisan wa ako masayud
Sa ginaatubang ko,
Di gayud ako mahadlok
Kay pagatultulan Mo.

Matam-is hunahunaon,
Iya akong mandoan
Ug Iyang ginapalandong
Ang akong kaayohan.

Copyright→ ©
tune→ (78. Lead Me On)

170. O Ginoo, Agakon Mo Ako

O Ginoo, agakon Mo ako
Ug tultulan;
Ang kalag ko, O luwason Nimo
Ug tabangan.
Tinuod nga ako maluyahon
Apan Ikaw, Jesus, maluloy-on.

O magpabilin unta kanako
Ang gugma Mo;
Ang pagkamasupakon ug garbo
Kuhaon Mo.
Kon kinabuhi ko gamiton Mo,
Kini akong iampo Kanimo.

O Ginoo, agakon Mo ako
Adlaw-adlaw;
Kahayag Mo mag-iwag kanako
Sa paglakaw.
Bisan may manga tunok sa dalan,
Molakaw nga Ikaw ang kauban.

Copyright→ ©
tune→ (46. Lord Jesus, Lead)

171. Magamatinud-anon Gayud Ako

Magamatinud-anon gayud ako—
Nagsalig kanako ang Amahan
Nga ampingan ko ang bahandi Niya;
Unta dili ko kini usikan.

Magamatinud-anon gayud ako—
Nagasalig ang manga igsoon;
Mobarug ako sa kamatuoran
Aron dili ko sila pakyason.

Magamatinud-anon gayud ako—
Tagagawas nagsalig kanako;
Kon Manluluwas ilang pangitaon,
Makaplagan, dalan sa Ginoo.

Magamatinud-anon gayud ako
Sa tanang gikapiyal kanako;
Unta dili ko Siya pagpakyason
Hangtud ang nawong N'ya masud-ong ko.

Copyright→ ©

tune→ (342. I Would Be True)

172. Kinabuhi Pagkangitngit

Kinabuhi pagkangitngit
Kon si Cristo wa moanhi;
Gipadayag N'ya kanako
Ang tuyo sa kinabuhi.

Alaut ang kalag nako
Kon wa mamatay si Cristo;
Pinaagi sa dugo N'ya
Ang paglaum naangkon ko.

Molakawng nag-inusara
Dili nako maarangan
Apan Siya nagauban
Ug kanako nagatabang.

Way paglaum ang kalag ko
Kon wa akoy Manlalaban;
Ako Iyang ginaampo
Didto sa Iyang Amahan.

Puy-anan ko dili dinhi
Kay balikon Niya ako;
Sa adlaw sa kamatayon,
Sa Dios mopauli ako.

Copyright→ ©

tune→ (64. Christ For Me)

173. Ang Pakig-uban Ko sa Dios

Ang pakig-uban ko sa Dios
Labing duol unta;
Dunggon ko ang Iyang tingog
Ug sundon ko Siya.

Sa pagsunod sa Ginoo
Dunay kagawasan;
Sa pagpasakop Kaniya,
Dunay kadaitan.

Kon kinabuhi mahalon,
Kini mawala ra
Busa iampo na sa Dios
Aron magabunga.

Ang pagtuman sa pulong N'ya,
Maghatag ug kusog
Aron batok sa kaaway
Adunay pagdaug.

Copyright→ ©

tune→ (266. Oh, for a Closer Walk)

174. Manunubos Ko

Manunubos ko, akong kaluwasan—
Sa dugo Mo lang may katubsanan;
Ang Imong grasya akong kinahanglan
Aron tuyo Mo akong matuman.

Kinaiyang tawhanon nagaulang
Ug sa sala naggapos kanako;
Ihatag Mo, grasya sa pagpasakop
Aron Ikaw ray alagaran ko.

Kasingkasing ko, gahi, kon wala Ka—
Kinahanglan ko ang Imong gugma;
Ihatag kanako ang Espiritu
Aron mabati ko ang gahum N'ya.

Buot kong mapuno sa Imong grasya,
Hinloan Mo ang kasingkasing ko;
Sa kalooy Mo, dugo Mo gibubu—
Mingdaug Ka, Imo gayud ako.

Unta tabangan Mo akong molakaw
Nga hingpit ug walay ikasaway;
Matag hunahuna ko mandoan Mo
Aron himayaon Ka kanunay.

Copyright→ ©

tune→ (206. Gracious Redeemer)

175. Ang Kahimut-an sa Dios, Bililhon

Ang kahimut-an sa Dios, bililhon—
Duna pa bay laing tinguhaon?
Unta modasig kanato kini
Nga ihalad, atong kinabuhi.

Gikahimut-an sa Dios, Anak N'ya,
Makanunayong naningkamot S'ya;
Nagpadayon hangtud kamatayon,
Nabanhaw ug nagahari karon.

Buot kong mahisama Kaniya
Bisan pa mag-antus kauban N'ya;
Sama sa manga matinumanon,
Miampo sa Dios nga malipayon.

Ang kahimut-an sa Dios, buot ko—
Lumalabay lang, dungog sa tawo;
O Dios, unta harian Mo ako
Aron mahisama sa Ginoo.

Copyright→ ©

tune→ (299. Approved of God)

176. Si Jesus nga Manunubos

Si Jesus nga Manunubos
Nagbilin kanato
Maghuhupay, Magtutultol,
Magmamando.

Sa kanunay pagkatam-is
Sa kaambitan N'ya;
Sa manga mapaubsanon,
Mopuyo S'ya.

Ang tingog N'ya nagakuha
Sa atong kahadlok,
Matag hunahunang sayop
Ug kasamok.

Matag kadaugan nato,
Maayong batasan
Ug hunahunang balaan—
Iya tanan.

Balaan nga Espiritu,
Kaloy-an Mo kami
Ug himoang puy-anan Mo
Nga hamili.

tune→ (208. Our Blest Redeemer)

177. Bulahan ang Walay Buling

Bulahan ang walay buling
Sa taliwala sa sala—
Sa dalan N'ya, nagalakaw,
Ginaagak sa kamot N'ya.

*Gipaduol sila sa Dios
Sa dugo ni Cristo-Jesus.*

Bulahan ang walay buling—
Nagmahal sa pagbuot N'ya,
Kinasingkasing nagtuman;
Dios maoy kalig-on nila.

Bulahan ang walay buling—
Dili gayud magpahaylo
Kay sila nagatutok man
Ug nagasunod kang Cristo.

Bulahan ang walay buling
Nga nagasimba Kaniya;
May putli nga kasingkasing,
Nalipay sa Iyang grasya.

Copyright→ ©

tune→ (356. How Blessed are the Undefined)

178. Ang Panghunahuna ni Cristo

Akong kinahanglan
Maong salabutan
Nga naa kang Jesu-Cristo—
Putli ug balaan.

*Espiritu Santo,
Tutulan Mo ako
Aron ako mahisama
Sa akong Ginoo.*

Akong kinahanglan
Panghunahuna N'ya
Aron sa kinasingkasing
Sundon ang buot N'ya.

Akong kinahanglan
Panghunahuna N'ya
Aron motubo sa grasya
Ug kahimut-an N'ya.

Panghunahuna N'ya
Akong kinahanglan
Aron mahingpit sa gugma
Ug pagkabalaan.

Copyright→ ©

tune→ (390. I Need The Mind Of Christ)

179. Si Jesus ang Dalangpanan Ko

Si Jesus ang dalangpanan ko,
Kalipay ko sa kasubo;
Sa mabudlay nakong pagpanaw,
Panalanginan N'ya ako.

*Wala akoy kahadlok
Sa pag-alirong sa sala
Kay S'ya ang akong dalangpanan;
Paglaum ko naa Kan'ya.*

Makagagahum ang Ginoo,
Iya akong panalipdan
Ug sa manga pakigbisog ko,
Hatagan N'yag kadaugan.

Dili mobulag sa matarung
Ang manga kalooy Niya;
Nasayud S'yang ako mahuyang,
Kusog igahatag Niya.

Makigpuyo S'ya sa maaghop,
Tambag N'ya tam-is kanila;
Sa manga mapainubsanon,
Malipay S'yang magdumala.

Copyright→ ©

tune→ (295. My Refuge and Hope)

180. O Dios, Salamat Kanimó

O Dios, salamat Kanimó
Tungod sa dalan Mo,
Gikan ako sa kangitngit
Sa kahayag, gidala Mo;
Ang kasingkasing ko
Nagsanong Kanimó.

Kanimó, nagadalayeg
Ang kasingkasing ko
Tungod sa tanang grasya Mo
Ug pagtudlo Mo kanako
Nga akong pilion
Imong kabubut-on.

Ako nga makasasala,
Kanimó, nag-ampo—
Tabangi ako nga dag-on
Tawhanong kinaiya ko
Aron kagawasan
Akong mabatonan.

Buot kong laktang matarung
Ang hiktin Mong dalan
Aron sa kinabuhi ko
Makita ang katagbawan;
Ang kalipay nako
Naa lang Kanimó.

Copyright→ ©

tune→ (237. O God, I Thank Thee)

181. O Dios Nga Nagaamoma

O Dios nga nagaamoma
Sa Imong katawhan,
Tultulan Mo kami unta
Sa hingpit Mong Dalan.

Karon ang among pag-ampo,
Dunggon unta Nimo;
Dios sa among ginikanan,
Kami mandoan Mo.

Ang manga paglakang namo,
Lamdagan Mong lubos;
Makaon ug ikasapot,
Hatagi kami, Dios.

Sa among manga pagpanaw,
Dios, kami bantayi
Aron sa puloy-anan Mo,
Makadangat kami.

tune→ (12. O God of Bethel)

182. Natagbaw Gayud Ako

Sa halayo ako sa Dios,
Naglibod sa kangitngit
Hangtud gitawag N'ya ako
Ngadto sa pakigdait.

*Kang Jesus, kang Jesus,
Natagbaw gayud ako;
Kanunay ginamandoan
Sa Iyang Espiritu.*

Si Jesus maoy hari ko
Hangtud sa kahangturan;
S'ya ang kamatuoran ko,
Kinabuhi ug dalan.

Natagbaw ako kang Jesus—
Ako giluwat Niya;
Buot ko sa matag adlaw
Nga mosunod Kaniya.

Copyright→ ©

tune→ (368. I Am Satisfied Indeed)

183. Pangusgan Mo Pagkupot

Pangusgan mo pagkupot kang Jesus, O kalag ko—
Moagi una ang kagabhion, ayhang buntag.
Lisud ang dalan, makalilisang—
Haduol S'ya, O ikaw mohangad.

Nasayud S'ya pag-ayo sa dalan, mosalig ka—
Sud-onga S'ya, manga kahadlok mo, nasabtan N'ya.
Bisan pa mawad-an kag paglaum,
Mokupot ka gihapon Kaniya.

Magmaisugon ka kay ang ganti bililhon man—
Pagbanagbanag moabot gayud, molaum ka.
Hamubo lang, atong kinabuhi—
Pangusgan mo pagkupot Kaniya.

Kon maayo ug hapsay ang tanan, mokupot ka—
Bisan kakuyaw wa mamatikdi, mosalig lang.
Sa kahayag kun sa kangitngitan,
Ang grasya N'ya atong kinahanglan.

Copyright→ ©

tune→ (338. Loose Not Thine Hold)

184. Jesus, Kon Palandungon Ka

Jesus, kon palandungon Ka,
Malipayon ako;
Labi na kon ang nawong Mo
Maoy makita ko.

Walay awit ni pulong man
Nga arang mapalغان
Nga labaw pa sa katam-is
Kay sa Imong ngalan.

Paglaum Ka ug kahupay
Sa mahinulsulon;
Sa nahipangdol, malulot
Ug masinabuton.

Gugma Mo di ikaasoy
Apan tin-aw kini
Kanila nga nakakaplag
Ug nakasinati.

Ikaw ang kalipay namo
Ug ang dakung balus;
Ikaw ang among himaya
Nga way pagkatapos.

tune→ (13. Jesus, The Very Thought of Thee)

185. Igatugyan Ko Kang Jesus

Kon ang akong palas-anon
Di ko gayud masabtan,
Igatugyan ko kang Jesus
Ang di ko maarangan.

*Igatugyan ko kang Jesus
Ang di ko maarangan
Tungod kay nasayud ako
Nasabtan N'ya ang tanan.*

Masubsub may pangutana
Kon unsa ang matarung.
Ang kinabuhi ni Jesus
Maoy tubag nga bugtong.

Gitutukan ko si Jesus,
Ang maminatud-anon;
Biyaan nako ang tanan—
Manga butang yutan-on.

Moabot gayud ang adlaw
Makita S'ya sa tanan
Nga buhi ug nagahari
Ug S'ya ilang yukboan.

Copyright→ ©

composer→ M. J. Babbit

tune→ (287. In Jesus' Hands)

186. Nanaad Ako sa Ginoo

Nanaad ako sa Ginoo
Nga magamatinudanon;
Bisan pa dunay kaulangan,
Ang tuyo ko magpadayon.

*Gipahayag ko na ang pag-ampo
Ug pakigsaad Kaniya.
Kalibutan gitalikdan ko;
Tinuod akong Iya na.*

Nanaad ako sa Ginoo
Nga Siya pagasundon ko;
Ang gugma N'ya akong mahalon
Bisan pag malisdan ako.

Nanaad ako sa Ginoo
Nga Kaniya makig-abyan
Ug sa landong sa kamatayon,
Siya akong pagakuptan.

Panaad ko dili magbag-o
Bisan pag maunsa ako;
Maayong mamatay kang Cristo
Kay sa kalipay sa tawo.

Copyright→ ©

tune→ (352. I've Vowed to Be True)

187. Jesus, Tabangi Ako

Tabangi ako, Ginoo,
Nga magmatinumanon;
Sa kanunay nagatuman
Sa Imong kabubut-on.

*Jesus, tabangi ako
Nga magmatinud-anon;
O matuman kanako
Ang Imong kabubut-on.*

Ang matag kaaway nako,
Tinguha kong buntugon;
Sa grasya ug sa gahum Mo,
Imo akong lig-onon.

Kon ginasulayan ako,
Jesus, ampingi ako;
Hatagi sa pahulay Mo
Ang maluyang kalag ko.

Pinaagi sa kusog Mo,
Akong paninguhaon
Nga kanunay makigbisog
Hangtud magmadaugon.

Copyright→ ©

tune→ (336. Saviour, Keep Me True)

188. Makadyut Ra

Makadyut ra nga managtukaw kita
Kauban ni Jesus sa dalan N'ya
Ayha kita makighari Kaniya
Sa way pagkatapos nga himaya.

*Busa karon, O managtukaw kita
Ug lig-onon ang atong tinguha;
Ginaingon sa Manluluwas nato,
"Magtukaw kamo uban Kanako."*

Makadyut ra nga manag-antus kita
Sa pagyubit nga nia sa yuta;
Makadyut rang molatas ta sa bagyo
Ayha ang purongpurong maato.

Makadyut ra nga may manga pagsulay
Ayha dunay kalinaw kanunay;
Makadyut rang magpas-an kita sa krus
Ayha maglipay kita sa balus.

composer→ Geo. C. Stebbins

tune→ (395. Can Ye Not Watch?)

189. Pahimuslan ang Panahon

Di dugay magpas-an sa krus
Ug makig-ambit kang Jesus
Sa yubit sa kalibutan
Ayha ang kapahulayan.

*Pahimuslan ang panahon,
Magtukaw, magmaampoon;
Ang kinabuhi matapos,
Mag-alagad ta kang Jesus.*

Dili dugay makigbisog
Sa kaaway nga maisog;
Ang Dios ang kadapig nato
Ug kadaugan maato.

Dili dugay manalagan
Sa lumbang atong gisugdan
Hangtud nga atong maangkon
Purongpurong sa katarung.

Dili dugay nga mangita
Sa manga karnero Niya,
Isangyaw ang Iyang pulong
Ug ngalan N'ya himayaon.

Copyright→ ©

tune→ (396. A Little While)

190. O Magpadayon Ka

O magpadayon ka kauban ni Jesus
Nga dunay pailub ug kalipayng bug-os;
Kon baga ang sala, dungga ang tingog N'ya—
Nagaingon, “Magmalinawon ka.”

“Dili ka biyaan,” maoy ingon Niya,
Miagi usab S'ya niining dalana;
“Ako sa kanunay, kanimo mouban
Sa kahayag kun sa kangitngitan.”

Way laing katabang maingon Kaniya—
Sa kalibutan panalipdan ka Niya;
Agakon ka Niya ngadto sa himaya
Ug panulondong gitipigan N'ya.

O magpadayon ka kauban ni Jesus
Sa pagpakigbisog hangtud makalampus;
Naihap ikaw sa piniling katawhan—
Matinumanon ug kasaligan.

Copyright→ ©

tune→ (262. Patiently Continue)

191. Haduol Kanimo

Jesus, alang Ka kanako—
Labaw sa kinabuhi;
Ikaw matuod kong Abyan
Sa pagpanaw ko dinhi.
Haduol Kanimo,
Haduol Kanimo;
Sa tibuok kong pagpanaw,
O mandoan Mo ako.

Ang akong pangaliyupo,
Di alang sa kasayon
Kundili sa pag-uban Mo
Bisan may alantuson.
Haduol Kanimo,
Haduol Kanimo;
Magbudlay nga malipayon,
Ubanan Mo lang ako.

Sa walog sa kamatayon,
Ako Imong ubanan;
Ablihi alang kanako
Ang Imong puloy-anan.
Haduol Kanimo,
Haduol Kanimo;
Sa dayon nga kinabuhi,
O pasudlon Mo ako.

tune→ (303. Close To Thee)

192. Bag-ong Jerusalem

Sa lungsod sa Bag-ong Jerusalem
May tronong mahimayaon;
Dunay bulawan nga purongpurong
Alang sa magmadaugon.

*“Mag-ampo ug magtukaw ka
Hangtud sa Akong pag-anha;
O ang sayong kabuntagon
Nagasubang, magkugi ka.”*

“Ang Akong ngalan imong ampingan,
Haduol na ang panahon;
Di madugay, hatagan Ko ikaw
Ug ganting labing bililhon.”

Hangtud gayud sa pagbanagbanag
Padayon ka sa pagsaksi
Sa pamatuod ni Jesu-Cristo
Nga namatay ug nabuhi.

“Moanha na Ako sa madali.”
Kuptan nimo nga malig-on
Ang paglaum mong naa kang Cristo—
Purongpurong sa katarung.

Copyright→ ©

193. Awit sa Pagkabalaan

O awiton mo kanako
Awit sa kabalaan,
Manga awit sa hudyaka
Iya sa kalibutan;
Apan matam-is ang awit
Sa manga anak sa Dios—
Nag-awhag sa kasingkasing
Sa pagdayeg nga bug-os.

Sa sayo nga kabuntagon,
Awiton mo kanako
Ang dakung kalooy sa Dios
Nga matag buntag, bag-o;
Pag-abut sa kaudtohon
Ug kalag nabug-atan,
Awiti aron agakon
Ngadto sa alampoon.

O Imo akong awitan
Takna sa kagabhion
Ug nagakaduol ako
Sa akong kamatayon;
Ugaling ako mahadlok,
Kanakano, ipadungog
Kas-a pa, ang manga awit—
Makahupay ang tingog.

O awiton mo kanako
Awit sa pagkabanhaw,
Mobalik na ang Ginoo,
Wad-on N'ya ang kamingaw.
Dili maihap nga tingog,
Sa puloy-anan sa Dios,
May usa ka bag-ong awit—
Awit sa Anak sa Dios.

Copyright→ ©
tune→ (245. Songs of Zion)

194. Hangtud Kabuntagon

Dios, Imong katawhan,
Sa grasya, hatagan;
Dapit kaampingan
Hangtud kabuntagon.

Imong sulugoon,
Kanunay dasigon;
Bantayan ang panon
Hangtud kabuntagon.

Hinaut pa unta
Kami maghiusa;
Binugkos sa gugma,
Hangtud kabuntagon.

Kinahanglan namo
Ang dakung tabang Mo;
Ginahulat namo—
Bag-ong kabuntagon.

Copyright→ ©
tune→ (370. Till Breaking of the Day)

195. Ginabautismohan

Ginabautismohan
Sa ngalan ni Jesus—
Dalan Niya akong sundon
Nga may pagpaubos.

Sa ngalan ni Jesus,
Ginabautismohan—
Ang mamatay sama Kan'ya,
Dakung kapuslanan.

Sa ngalan ni Jesus,
Ginabautismohan—
Pagabanhawon N'ya ako
Ug pagaharian.

Ginabautismohan
Sa ngalan ni Jesus—
Siya akong alagaran
Ug daygon nga bug-os.

Copyright→ ©

tune→ (267. Baptized in Jesus' Name)

196. May Kalipay Kita

May kalipay kita
Nga laktan dalan N'ya;
Sa pagtuman sa sugo N'ya,
Nahigugma kita.
Ginabautismohan
Sa ngalan ni Jesus—
Ginapadayag sa tanan,
Iya kitang bug-os.

Sa halayo sa Dios,
Gitawag N'ya kita;
Miuyon ug nagpili ta
Nga mosunod Kan'ya.
Ginabautismohan
Sa ngalan ni Cristo—
Gipamatud-an sa tanan,
S'ya, katarung nato.

Ginamandoan ta
Sa atong Ginoo;
Sundon Siya sa kanunay,
Maoy atong tuyo.
Ginabautismohan
Ug gipamatud-an
Siya ang Kamatuoran,
Kinabuhig Dalan.

Copyright→ ©
tune→ (268. Rejoicing in the Lord)

197. Takus Ka, O Jesu-Cristo

Takus Ka, O Jesu-Cristo,
Ikaw nga hari namo,
Nga maoy pagahalaran
Among labing maayo.
Kon moagi sa kalisud,
Imo kaming tabangan
Aron kami manag-awit
Pagdayeg nga balaan.

*Gitubos Mo kami
Aron nga maimo,
Pinaagi sa dugo
Sa krus sa Calvaryo.*

Takus Ka, O Jesu-Cristo,
Gipatay nga Cordero,
Nga mao gayuy mabuhi
Ug kanamo, magmando.
Kanim, ipahinungod
Pagdalayeg ug gugma;
Sa kanunay, takus Ikaw
Sa among panagsimba.

Copyright→ ©
tune→ (385. Thou Art Worthy)

198. Hugasan Mo Ako

Hugasan Mo ako,
Jesu-Cristo;
Sa mahal Mong dugo,
Hugasi ako.
Ang tanang buling ko,
O hinloan Nimo—
Mahisama ako
Sa dagway Nimo.

Hugasan Mo ako,
O Cordero,
Aron mamaputli
Kinabuhi ko.
Karon tugotan Mo
Dugo Mo mabubu
Aron mahinloan,
Kasingkasing ko.

Hugasan Mo ako,
O Cordero;
Samtang nagasalig,
Mahinloan Mo.
Matag adlaw, Cristo,
Ihalad Kanimu
Ang kinabuhi ko
Nga giluwat Mo.

tune→ (17. Wash Me From Sin)

199. Sa Tanan Kong Buling

Sa tanan kong buling
Gihinloan Nimo—
Mao kini, O Ginoo,
Ang gisaad Nimo;
Kinabuhing daan
Ginatalikdan ko,
Sa krus akong ginahalad
Ang kinabuhi ko.

Dili ko itago
Sala ko Kanimó;
Ang garbo ginadumtan ko,
Magasugid ako.
Sa akong kahintang,
O dawata ako;
Kinabuhig kagawasan,
Ginapangandoy ko.

Sa kaugalingon
Nga paningkamot ko,
Wala ko gayud maangkon
Gasa Mo kanako;
Ang grasyag kaalam
Uban sa gahum Mo,
Igo nga sa matag takna,
Magamping kanako.

tune→ (24. From Every Stain)

200. Dalan Sa Calvaryo

Dalan sa Calvaryo,
Gilaktan ni Jesus;
Kinabuhi ang gihalad
Sa Cordero sa Dios.

*Nagapasalamat
Kami Kanimo, Dios,
Sa kinabuhi ug dugo
Nga halad ni Jesus.*

Gipas-an ni Jesus,
Sala sa katawhan;
Ang bili sa katubsanan
Iyang gibayaran.

Sa dugo ni Jesus,
Kami gihugasan;
Ang among gugma Kaniya,
O Imong dugangan.

Copyright→ ©
tune→ (389. The Way to Calvary)

201. Calvaryo

Dios, kami nagakatigum
Dinhi sa tiilan Mo;
Among ginahinumduman
Si Jesus sa Calvaryo.

*Ginahinumduman
Halad N'ya sa Calvaryo;
Sa tinapay, ang lawas N'ya,
Sa kopa, Iyang dugo.*

Sa gabiing may kasubo,
Nag-ampo gayud Siya
Ug gisingot Siyag dugo
Tungod sa among sala.

Sa lungsod sa Jerusalem,
S'ya ilang gipagawas;
Kamatayon giantus N'ya
Aron kami maluwas.

Kang Jesus nga nahigugma
Ug naghinlo kanamo,
Pagdayeg ug pasalamat
Ang ginahalad namo.

Copyright→ ©
tune→ (391. Calvary)

202. O Dios, Susihon Mo Ako

O Dios, susihon Mo ako,
Sulayi, buhat ko;
Sumala sa makita Mo,
Idayag kanako.

Ang hunahuna kog tuyo,
O Dios, susihon Mo
Ug ang akong kasingkasing,
O hinloan Nimo.

Susihon Mo akong lubos
Ug lamdagan Nimo
Hangtud ako makakat-on
Sa pagpangamuyo.

Karon nga nagpasakop na,
Napamatud-an ko
Ang gugma Mong di masukod
Nga naa kang Cristo.

tune→ (379. Search Me, O God)

203. Kon Ginasud-ong Ko ang Krus

Kon ginasud-ong ko ang krus
Nga gikamatyan ni Cristo,
Giisip kong walay bili
Ang yutan-ong bahandi ko.

Ang ikapasigarbo ko
Mao lang ang krus ni Cristo;
Tungod sa mahal N'yang dugo,
Ang tanan igahalad ko.

Sud-onga S'ya didto sa krus
Sa gugma N'ya ug pag-antus;
Unsa bay angay ibalus
Sa maong gugma ni Jesus?

Bisan kalibutan ako
Di igong ihalad kini;
Ang angayng ihalad Kan'ya—
Tibuok kong kinabuhi.

tune→ (6. When I Survey)

204. O Ginoo, Susihon Mo Ako

O Ginoo, susihon Mo ako
Ug hinloi ang kasingkasing ko
Aron maako ang kagawasan
Sa pag-alagad diha Kanimo.

O Ginoo, susihon Mo ako,
Sulayi sumala sa pulong Mo;
Hibaloi kon Imo gyud ako,
Ikaw ang kusog ug paglaum ko.

O Ginoo, sulayan Mo ako,
Sama sa bulawan, putlion Mo;
Ang tanlag ko, Ginoo, susiha
Ug sa tagong sala hinloan Mo.

O Ginoo, susihon Mo ako
Ug agaka ako sa dalan Mo;
Sa tingog Nimo mosugot ako
Hangtud matapos ang pagpanaw ko.

Copyright→ ©

tune→ (380. Search Me, O Lord)

205. Di Sa Pilak Kun Bulawan

Di sa pilak kun bulawan,
Gitubos ta ni Cristo
Kundi sa kaugalingon
Ug bililhon N'yang dugo.

*Si Jesus ang naghuwas
Ug kanato nagtubos;
Ang gugmang dili matugkad,
Gipadayag Niya sa krus.*

Wa tubsa aron mabuhi
Sa walay kapuslanan;
Nasayud S'yang maluya ta,
May kusog S'yang giandam.

Wa tubsa aron mabuhi
Sa manga kalingawan;
Ang manga adlaw hamubo,
Kadyut rang mangahuman.

O pagkadakung kalooy,
Iya kitang gitubos!
Ang way salang Anak sa Dios,
Mao ang Manunubos.

Copyright→ ©

tune→ (19. Not Redeemed With Gold)

206. Gihinloan Nimo Ako

Dios, sa dugo sa Imong Cordero
Gihinloan Nimo ako;
Gikan sa manga kasal-anan ko
O pasayloon Mo ako.
Bisan ang kaagi ko dautan
Ug kahigawaran nabatonan,
Ang saad Mo akong gisaligan;
Gihinloan Nimo ako.

Gikan sa akong pagduhaduha,
O Dios, hinloan Mo ako;
Gikan sa akong manga kakulba,
O Dios, hinloan Mo ako.
Bisan pagsabot ko di pa lubos,
Kanimong magpaagak nga bug-os;
Mosalig sa grasya Nimong tim-os,
Gihinloan Nimo ako.

Gikan sa kahadlok ko sa tawo,
O Dios, luwason Mo ako;
Sa manga pagsulti ug pag-ampo,
O Dios, dasigon Mo ako.
Lig-onon Mo ako sa gugma Mo
Aron idayag nga Imo ako;
Kay gipasaylo, moawit ako,
Gihinloan Nimo ako.

tune→ (384. Cleansing For Me)

207. Wala Man Gayuy Kadaugan

Wala man gayuy kadaugan
Gawas kon may kapildihan—
Ang liso aron mamunga
Kinahanglang mamatay 'sa.
Pagatugotan mo lang ba
Nga dili ka magabunga?

Ang magmahal sa kinabuhi,
Mahiagum sa kapildi
Ug nagahikaw sa uban
Sa bililhong kaluwasan.
O imong maantus kaha
Nga walay paglaum sila?

Kon masud-ong mo alanihon,
Hibaloï baya dayon
Nga may manga kinabuhi
Namatay sama sa binhi.
Adunay manga nag-ampo,
Nag-antus ug nakigbugno.

tune→ (404. There Is No Gain)

208. Alima Mo Kinahanglan Ko

Alima Mo kinahanglan,
Wa akoy laing kadangpan;
Kanimo dunay kalinaw,
Pahulay ug katagbawan.

Grasya Mo kinahanglan ko
Sa pagpakiggubat nako
Aron uban sa kalig-on,
Madala ko ang pas-an ko.

Kinahanglan ko si Cristo
Aron kalinaw maako
Ug mapugngan ang buhat ko
Kon Kanimo makasubo.

Pasaylo Mo kinahanglan
Sa daghang paglapas nako;
Ang paghinlo sa dugo N'ya,
Mao ra ang paglaum ko.

Bisan kabus malipayon
Tungod kay nasayud Ka man
Ug ginahatag Mo gayud
Ang tanan kong kinahanglan.

Copyright→ ©

tune→ (204. My Need)

209. Padayon Ka sa Pagbudlay

Padayon ka sa pagbudlay
Uban sa kalipay sa Dios;
Dalang gilaktan ni Jesus
Maoy sundon nimong lubos.

Padayon ka bisan dunay
Manga kapilding yutan-on
Kay kini ilisdan sa Dios
Sa manga ganting langitnon.

Katawhang libot kanimo,
Nagpuyo sa kangitngitan;
Idayag mo ang kahayag,
Siga sa kamatuoran.

Di ka unta magkaluya,
Ang masalaypon, sakwata;
Paglakaw sa kalibutan,
Ang naglibod, paulia.

tune→ (330. Go, Labour On)

210. Ang Tawag Mo

Ang tawag Mo nga nadunggan sa una,
Jesus, ipadungog pa kanako;
Tawag aron biyaan ko ang tanan—
Usbon Mo, “Sumunod ka Kanako.”

Tugoti nga ang uma lantawon ko—
Ang sa haduol kun sa halayo;
Ihalad ko kining kinabuhi ko—
Magpugas, mag-ani sa ngalan Mo.

Jesus, tabangan Mo akong makita
Ang katawhang sama sa nawala
Ug waymagbalantayng manga karnero;
O namatay Ka tungod kanila.

Ginoo, kasingkasing ko hikapa
Nga mahigugma sama Kanimo;
Mainitong tinguha pasigaa,
Nawala agakon ko Kanimo.

Unta di ako mabugnaw, Ginoo,
Hinoon magmainiton ako
Ug inigbalik Mo, Ginoong Jesus,
Maabtan Mong naghago pa ako.

Copyright→ ©

tune→ (405. The Call to Labour)

211. Inawhag sa Gugma sa Dios

Nadunggan ko tawag sa Dios–
Bisan wa masayring bug-os,
Misanong kasingkasing ko,
“O Dios, ako sugoon Mo.”

*Inawhag sa gugma sa Dios,
Mogikan pag-usab ako
Kay nagadilaab gayud
Ang gugma ko sa Ginoo.*

Madungog kong pakilooy
Sa katawhang gipangkapoy–
Pag-usab motubag ako,
“O Dios, ako sugoon Mo.”

Daghan pa ang nangawala–
Di ako magduhaduha
Sa pagsanong sa tawag Mo,
“Ginoo, ania ako.”

Batonan ko ang ngalan N’ya
Isip tumbas sa gugma N’ya;
Si Jesus akong tutukan–
Ang hingpit nga panig-ingnan.

Copyright→ ©
composer→ Elizabeth Pate
tune→ (403. Impelled by Love)

212. O Ginoo, Ubanan Mo Ako

O Ginoo, ubanan Mo ako,
Nagakangitngit na ang adlaw ko;
Bisan mapakyas tabang sa uban,
Magpabilin Ka gayud kanako.

Kinabuhi, kalipayg himaya
Nga nia sa yuta mangawala;
O Ikaw nga walay kausaban,
Dinhi kanako magpabilin Ka.

Kinahanglan ko ang Imong grasya
Aron manga panulay dag-on ko;
Kinsa man ang akong malauman
Nga magtultol maingon Kanimong?

Wala gayud akoy kahadlok
Kon Ikaw kanunay ang kauban;
Inig-abot na sa kamatayon,
Akong maangkon ang kadaugan.

tune→ (170. Abide With Me)

213. O Modangop Ako Kaniya

Kon magkalisudlisud ako
Ug kon mohuros ang bagyo,
Moduol ako sa Ginoo,
Kaniya modangop ako.

*O modangop ako Kaniya,
Malig-on nga dalangpan S'ya;
Pagkatam-is sa kaambitan
Nga Kan 'ya akong hingpalgan.*

Bisan moabot ang kasakit
Ug mosamot ang kangitngit,
Mahayag ang kabubut-on N'ya
Sa pagdangop ko Kaniya.

Kaniya lang akong maangkon
Ang kusog sa pagpadayon;
Makita ko ang katahum N'ya
Sa pagdangop ko Kaniya.

Inig-abot sa kamatayon
Ug ako papaulion,
Pangandoy kong labaw sa tanan,
Maoy Iyang kaambitan.

tune→ (409. Alone With God)

214. Sa Panahong Mangitngit

Sa panahong mangitngit,
Nagaduol ang Dios
Aron magpanalangin,
Maghupay sa bug-os.
Ginatul-id N'ya kita
Sa kalooy Niya;
Nagakatam-is gayud
Ang kaambitan N'ya.

Ang atong kaugmaon,
Dili kahadlokan;
Gugma N'ya ang naglaraw
Sa kasinatian.
Bisan ang kamatayon,
Karon nabuntog na;
Sa pagtoo Kaniya,
Ang langit makita.

Kalag, magpadayon ka,
Langit kab-uton mo;
Buhat sa Dios sa uban,
Buhaton kanimo.
Gugma ang nagahatag
Pagdaug kanimo;
Ang kinabuhing dayon,
Maangkon kang Cristo.

Copyright→ ©
tune→ (292. In Times of Deepest Darkness)

215. Mahinumduman

Maingon kita sa manga bitoon
Nga mahanaw inigkabuntagon;
Kon human na ang kinabuhi nato,
Mahinumduman ray buhat nato.

*Mahinumduman, mahinumduman,
Mahinumduman ray binuhatan;
Kon wala na ang kinabuhi nato,
Mahinumduman ray buhat nato.*

Pangitaon ba kita kon wala na
Ug lain ang mag-ani sa uma?
Bisan ang magpupugas motaliwan,
Binuhatan ray mahinumduman.

Ang kamatuorang atong gituman,
Binhing gipugas ug giampingan,
Bunga niini ang mahinumduman
Bisan pag kita mahikalimtan.

Inigtigum N'ya sa katawhan Niya
Ug ang purongpurong maangkon na,
Unya ang tanang manga tinun-an N'ya,
Mahinumduman sa buhat nila.

tune→ (397. Only Remembered)

216. Mipanaw Na Aron Magpahulay

Mipanaw na aron s'ya magpahulay—
Kini pagbuot man sa Amahan;
Sa langit, luwas ug malinawon na,
Wala nay luha ug kasub-anan.

May balus nga labaw sa gilauman
Ug kalipay nga gikatagana
Sa manununod sa kaluwasan N'ya
Nga gisulayang bug-os sa yuta.

Gitawag na aron s'ya magpahulay
Ug mouban kang Jesus sa langit;
Didto, wa nay gahum ang kamatayon,
Manga manolunda, nanag-awit.

Ang tingog Mo nagahupay kanamo—
O Dios, Ikaw ang kalipay namo;
Kon matugob kami sa kasub-anan,
Mabati namo ang presensya Mo.

Copyright→ ©

tune→ (410. Called Home To Rest)

217. Labing Haduol Unta Ako

Labing haduol unta ako
Sa kasingkasing Nimo, O Cristo;
Gaksa ako sa Imong dughan,
Sa gugma ako Imong salipdan,
Sa gugma ako Imong salipdan.

Labing haduol unta ako
Bisan way ikagasa Kanim
Kundili ang kasingkasing ko;
Hinloi sa bililhong dugo Mo,
Hinloi sa bililhong dugo Mo.

Labing haduol, Dios, Kanim,
Ginatalikdan ko na ang garbo
Ug ang tanang manga sala ko.
Ihatag Mo kanako si Cristo,
Ihatag Mo kanako si Cristo.

Labing haduol, Dios, Kanim,
Samtang dunay kinabuhi ako;
Unya human sa kamatayon,
Mahiduol Kanim sa dayon,
Mahiduol Kanim sa dayon.

tune→ (125. Nearer, Still Nearer)

218. Kon Moabot Na Ang Kamatayon

Kon moabot na ang kamatayon,
Dili ko kini kahadlok;
Kon si Jesus ang akong kauban,
Duna akoy kasigurohan.

Bisan mangitngit ang palibot ko,
Nagadan-ag S'ya sa dalan ko;
Siya maoy paglaum nga dayon
Sa katapusan sa panaw ko.

Si Jesus ang akong Magmamando—
Ang kamatayon gidaug N'ya,
Gipas-an N'ya ang kalapasan ko;
Ang Manluluwas ko, Siya ra.

Sa pagkabanhawng mahimayaon,
Mobangon akong kauban N'ya;
Siya akong pagadalayegon—
Kalag ko gipahigawas N'ya.

Copyright→ ©

composer→ Virgil P. Brock and Blanche Kerr Brock

tune→ (412. When Life Is Ended)

223. Precious Gold

Pre-cious gold must have its fi-ery tri-al,
Clouds must bring the bless-ing of the rain,
Dia-monds owe their light to cru-el pres-sure,
Life is ush-ered in by death and pain.

*And my life that Thou didst take to Thee
Worth-less and form-less as clay,
Need-eth well to know the fi-ery tri-al,
Just to stand ap-proved on that Great Day.*

Ore of earth, the ves-sel of the fin-er,
Learns to bless the cru-ci-ble and flame.
Freed by fire the weak and earth-bound va-por
Ris-es to the sky from whence it came.

Thou must work a work and who can hin-der,
Thou dost let, and who can stay Thy hand.
Wis-er, bet-ter, tru-er, for Thy deal-ings,
Best for me is all Thy heart has planned.



Table of Contents

Philippines Cebuano Language Book

Published in 2003

ebook version: 11.10.15

[Titles, First Lines, and Chorus](#)

Titles, First Lines, and Chorus

Aduna bay kasingkasing

Adunay Pahulay

Adunay pahulay.

Ako May Halad Kanimo

Ako may halad Kanimo.

Ako May Matuod nga Abyan

Ako may matuod nga Abyan–

Ako Nasubo Kanhi

Ako nasubo kanhi.

Akong Kinahanglan

Akong kinahanglan

Akong kinahanglan gayud

Alima Mo kinahanglan.

Alima Mo Kinahanglan Ko

Amahan ko ang naglaraw

Ampingi kami sa dalan

Anak Akong Mausikon

Anak Na Ako sa Dios

Anak na ako sa Dios.

And my life that Thou didst take to Thee

Ang Bato nga Daku Kay Kanako

Ang bililhong panulondon

Ang Buhing Tinapay

Ang buhing tinapay ihatag Mo

Ang Buot Ko

Ang Ginahandum Mo

Ang Gugma Ko, Cristo

Ang gugma ko, Cristo, dugangan Mo;

Ang Gugma Sa Manluluwas

Ang gugma sa Manluluwas

Ang Hingpit Mong Gugma

Ang Kahimut-an sa Dios, Bilihon

Ang kahimut-an sa Dios, bilihon–

Ang kamot sa kalooy.

Ang Kasaysayan ni Jesus

Ang kasaysayan ni Jesus

Ang kasaysayan ni Jesus

Ang kinabuhing yutan-on.

Ang Kinabuhi Ni Jesus

Ang kinabuhi ni Jesus.

Ang kinabuhi sama

Ang Labing Maayong Yuta

Ang labing maayong yuta.

Ang Maayong Balita matam-is kaayo–

Ang maayong Magbalantay

Ang Magbalantay nagtawag kanimo.

Ang Pagluwas sa Dios

Ang pagtalikod sa sala.

Ang Pakig-uban Ko sa Dios

Ang pakig-uban ko sa Dios

Ang Panahon Lumalabay

Ang panahon lumalabay.

Ang Panalipud Isul-ob Mo

Ang panalipud isul-ob mo

Ang Panghunahuna ni Cristo

Ang pulong ni Jesu-Cristo

Ang pulong N'ya, ipugas mo–

Ang sala kong di maihap

Ang Sunod Kong Lakang

Ang tanan naga bag-o apan di si Cristo

Ang Tawag Mo

Ang tawag Mo nga nadunggan sa una.

Ang Tawag N'ya Madungog Ko

Ang tawag N'ya madungog ko.

Ang Tingog ni Jesus

Ang tingog ni Jesus

Ania Ang Dios

Ania ug nagapuyo

Apan akong nakaila S'ya

Aron modaku

Asa ako modangop

Awit sa Pagkabalaan

Ayaw Ako Tugoti nga Masubo

Ayaw ako tugoti nga masubo

Ayaw Pagsupak sa Espiritu

Ayaw pagsupak sa Espiritu.

Ayaw tuyoa

Bag-o gayud matag buntag

Bag-ong Jerusalem

Bahandig kaalam, wa ko pangandoya

Bililhon Ang Kaluwasan

Bililhon Ang Pulong sa Dios

Bililhon ang pulong sa Dios

Bisan Wala Akoy Kadunggan

Bisan wala akoy kadunggan.

Bulahan ang Walay Buling

Bulahan ang walay buling

Buot kong ihatag

Buot kong labi pang mailhan Ka.

Busa karon, O managtukaw kita

Calvaryo

Dalan N'ya Labing Maayo

Dalan N'ya labing maayo.

Dalan Sa Calvaryo

Dalan sa Calvaryo.

Dalan Ugma

Dalan ugma di nato masayran.

Dawaton Mo

Di dugay magpas-an sa krus

Di Ko Na Mabakwi

Dili ako mahadlok

Dili ka gayud pakvason

Dili Kamo Mangahadlok

Dili kamo mangahadlok

Dili Ko Gayud Malimtan

Dili ko gayud malimtan

Dili ko gayud malimtan

Dili sa manga tawo

Dili Sa Mga Tawo

Dios, ang bug-os nga tuyo ko.

Dios, bahin kanako

Dios, hupayon Mo kami.

Dios, Imo akong tabangan

Dios, Imong katawhan.

Dios, kami nagakatigum

Dios, Kon Mangitngit ang Dalan

Dios, kon mangitngit ang dalan namo.

Dios, Mosulti Ka Kanako

Dios, mosulti Ka kanako.

Dios, nagsaad ako.

Dios, Pagkamaayo Gayud

Dios, pagkamaayo gayud

Dios, sa dugo sa Imong Cordero

Dios, salamat sa manga batan-on

Dios, Salamat sa Mga Batan-on

Dios, Sa Pagsalig Kanimo

Dios, sa pagsalig Kanimo.

Dios, Sa Panginahanglan Ko

Dios, sa panginahanglan ko.

Dios, Tam-is Mong Kabubut-on

Dios, tam-is Mong kabubut-on.

Dios, tudloi ako

Dios, Tudloi Ako sa Dalan Mo

Di Sa Pilak Kun Bulawan

Di sa pilak kun bulawan.

Dugangan Mo ang gugma ko.

Dugangi Ang Kaalam Ko

Dugangi ang kaalam ko

Duna bay andam motabang

Dunay Kapuslanan

Dunay kapuslanang mag-alagad ta

Dunay Kusog sa Kaaghop

Dunay kusog sa kaaghop, pagsalig ug gugma.

Dunay Usa Ka Tinguha

Dunay usa ka tinguha

Dungga Ako, Jesus

Dungga ako, Jesus.

Dungga, dungga

Dunggon mo, sa takna.

Dunggon Mo si Jesus

Dunggon mo si Jesus.

Espiritung Balaan

Espiritung Balaan–

Espiritu Santo.

Gidani sa Gugma sa Dios

Gidani sa gugma sa Dios.

Gidaug sa Ginoo

Gidaug sa Ginoo

Gihatagan ako sa Dios

Gihatag sa Dios ang Anak Niya

Gihatag sa Dios ang Anak Niya

Gihigugmag Gipili N'ya

Gihigugmag gipili N'ya–

Gihigugma Nako

Gihigugma nako

Gihigugma nako

Gihigugma Natong Bug-os

Gihigugma natong bug-os.

Gihinloan Nimo Ako

Gilaktan ni Jesus

Gilaktan ni Jesus ang matul-id nga dalan

Ginabautismohan

Ginabautismohan

Ginahinumduman

Ginatawag ka ni Jesus:

Ginatawag Ka N'ya

Ginatawag ka N'ya aron mopauli:

Ginoo, ampingi ako

Ginoo, ampingi sila

Ginoo, Ikaw Nasayud

Ginoo, Ikaw nasayud

Ginoo, naa Kanimo

Ginoo, Sa Among Tigum

Ginoo, sa among tigum,

Ginoo, sa Kalooy Mo

Ginoo, sa kalooy Mo,

Gipaduol sila sa Dios

Gipahayag ko na ang pag-ampo

Gitubos Mo kami

Gugma mao ang nag-agak

Gugma Maoy Bandila

Gugma maoy bandila

Haduol Kanimo

Haduol Ka sa Ginghamarian

Haduol ka sa Ginghamarian

Hangtud Kabuntagon

Hingpalgan ko si Jesus,

Hingpalgan nato kang Jesus

Hugasan Mo Ako

Hugasan Mo ako,

Human Na Akong Magpili

Human na akong magpili

Humawid Ka sa Anak sa Dios

Humawid ka sa Anak sa Dios

Igatugyan Ko Kang Jesus

Igatugyan ko kang Jesus

Ihatag Mo ang Labing Maayo

Ihatag mo sa Ginoo

Ihatag mo sa Ginoo

Ihayag pang bug-os

Ikaw Pagahukman sa Dios

Ikaw pagahukman sa Dios

Imo na ang kalibutan,

Inawhag sa Gugma sa Dios

Inawhag sa gugma sa Dios,

Ipugas Mo ang Pulong N'ya

Jesus, alang Ka kanako—

Jesus, Kon Palandungon Ka

Jesus, kon palandungon Ka,

Jesus, Krus Ginapas-an Ko

Jesus, krus ginapas-an ko

Jesus, malipayon ako

Jesus Nga Hari Ko

Jesus nga Hari ko,

Jesus, Tabangi Ako

Jesus, tabangi ako

Jesus, tudloan Mo ako

Jesus, tudloan Mo ako

Jesus, Tudloan Mo Akong Magpili

Jesus, Tugob Sa Pagdayeg

Jesus, tugob sa pagdayeg

Kahibulungan Gayud

Kahibulungan gayud

Kalag ko nagapangandoy

Kalauman Ka Kaha?

Kalauman ka kaha?

Kami Nagakatigum Na

Kami nagakatigum na

Kamong manga nagapangita

Kang Jesus, kang Jesus,

Kang Jesus, mouban

Kanimo Lang Nagasalig

Kanimo nag-alagad ako–

Kanimo ug Kanako

Kanunay buhat sa Dios nga luwason

Kanunay may honghong kanako

Karon, mahal kong Cristo,

Karon Nagaagi S'ya

Karon, O Dios,

Kasingkasing Kinahanglan

Kasingkasing kinahanglan

Kasingkasing ko nabihag

Kasingkasing Ko Nagapahulay

Kasingkasing Mo Ablili

Kasingkasing nga mahumok,

Kasingkasing nga malig-on

Kasingkasing ug Tuyo

Kauban ni Cristo

Kinabuhi Di Magdugay

Kinabuhi di magdugay,

Kinabuhing Dayon

Kinabuhing dayon,

Kinabuhing May Kadaugan

Kinabuhi Pagkangitngit

Kinabuhi pagkangitngit

Kinabuhi Usahay Mangitngit

Kinabuhi usahay mangitngit,

Kinasingkasing unta

Kining akong kinabuhi

Kinsay Hari sa Tanan?

Kinsay Hari sa tanan,

Kitang tanan nagapanaw

Kita sama sa manga bulak

Kita Sama Sa Mga Bulak

Kon ang akong palas-anon

Kon ang Manluluwas Motawag Na

Kon ang Manluluwas motawag na,

Kon buot mo nga si Jesus

Kon Ginasud-ong Ko ang Krus

Kon ginasud-ong ko ang krus

Kon kasingkasing mo malipayon

Kon Maangkon Ko

Kon maangkon ko ang tanang butang

Kon magkalisudlisud ako

Kon may kalisdanan ako

Kon Moabot Na Ang Kamatayon

Kon moabot na ang kamatayon,

Kon Nasayran Lang ang Kamatayon

Kon nasayran lang ang kamatayon–

Kon Wala Kay Manluluwas

Kon wala kay Manluluwas

Labi Kang Mahalon

Labi Kang mahalon;

Labing Haduol Unta Ako

Labing haduol unta ako

Mabuhi Ka Alang sa Uban

Magamatinud-anon Gayud Ako

Magamatinud-anon gayud ako–

“Mag-ampo ug magtukaw ka

Magapanaw Uban sa Manunubos Ko

Magapanaw uban sa Manunubos ko,

Magmatinumanon Kan'ya

Magmatinumanon ta

Mahal pa kay sa pilak kun bulawan,

Mahimo kahang mabuhi

Mahinumduman

Mahinumduman, mahinumduman,

Mahumok Nga Kasingkasing

Maihap Sa Katawhan Sa Dios

Maingon kita sa manga bitoon

Makadyut Ra

Makadyut ra nga managtukaw kita

Malunhaw Ang Sibsibanan

Malunhaw ang sibsibanan

Maluya gayud kami, Dios,

Manlimbasog Ka ug Magpadayon

Manlimbasog ka ug magpadayon

Manluluwas, dunggon Mo

Manunubos Ko

Manunubos ko, akong kaluwasan–

Mao kining pagluwas sa Dios–

'Mari Ka, Sunda Ako

Matam-is gayud ang gugma

Matam-is gayud, O Dios,

Matam-is mahibaloan

Matam-is Mahibaloan

Matam-is mahibaloan

Matinumanon Man ang Dios

Matinumanon man ang Dios

Matuman, Dios, ang Pagbuot Mo

Matuman, Dios, ang pagbuot Mo,

May Dapit Kaha Si Jesus?

May dapit kaha si Jesus

May dugmok nga kasingkasing

May Kalipay Kita

May kalipay kita

May Kamot Nga Ginatuy-od

May kamot nga ginatuy-od

May Katagbawan Na Ako

May katagbawan na ako

May usa ka dimahanaw gingharian

May Usa ka Ginghamarian

May Usa, Usa ra,

Minahal Kong Manluluwas

Minahal kong Manluluwas,

Mipanaw Na Aron Magpahulay

Mipanaw na aron s'ya magpahulay–

Moduol ka karon

Moduol Ta sa Dios

Moduol ta sa Dios,

Moduol ta sa Dios,

Mosulti Ka Kanako

Mosulti Ka kanako

Mosulti Ka Kanako, Dios

Mosulti Ka kanako, Dios.

Mosunod ako, Jesus, magbuhat sa tanan

Mouban Ako Kang Jesus

Mouban ako kang Jesus

Nadunggan ko tawag sa Dios–

Nagaagi si Jesus

Nagaagi si Jesus

Nagaampo Sa Kanunay

Nagaampo sa kanunay

Nagaawas ang Kasingkasing Ko

Nagaawas ang kasingkasing ko

Nagaingon ang Ginoo.

Nagakatigum Na Kami

Nagakatigum na kami.

Nagapahulay na ako

Nagapasalamat

Nagatawag S'ya.

Nagatukod Kita

Nagdapit ang Dios kanimo

Nagkahiusa kita

Naglibod sa kangitngit

Nahibalo ang Amahan

Nahibalo ang Amahan–

Nahigugma ang kalag ko

Nakaila Ko Si Cristo

Nakaila ko si Cristo

Nakaplagan ko si Jesus.

Nakaplagan Namo si Cristo

Nakaplagan namo si Cristo

Nanaad Ako sa Ginoo

Nanaad ako sa Ginoo

Natagbaw Gayud Ako

Natago sa Dios

Nganong Akong Pagalaktan?

Nganong akong pagalaktan

Nganong di ka

Nganong Di Ka Magpasakop?

O ako, maihap sa katawhan sa Dios.

O, ang Iyang Gugma

O, ang Iyang gugma.

O, Ang Pahulay sa Dios

O, ang pahulay sa Dios.

O Atong Palandungon

O atong palandungon

O awiton mo kanako

O ayaw kamo kahadlok–

O Balaang Espiritu

O Balaang Espiritu.

O Cristo, tungod kanako

O Dios, ang kasingkasing ko

O Dios, Ang Puloy-anan Mo

O Dios, ang puloy-anan Mo.

O Dios, hinloan Mo kami

O Dios, Ikaw Ang Buot Ko

O Dios, Ikaw ang buot ko–

O Dios, kinahanglan namo

O Dios, Mosulti Ka

O Dios Nga Nagaamoma

O Dios nga nagaamoma

O Dios, sa kalomo,

O Dios, Salamat Kanimo

O Dios, salamat Kanimo

O Dios, Salamat sa Adlaw

O Dios, salamat sa adlaw

O Dios, sa pagduol namo

O Dios, Susihon Mo Ako

O Dios, susihon Mo ako,

O Dios, unta ang pagsalig nako

O Ginoo, Agakon Mo Ako

O Ginoo, agakon Mo ako

O Ginoo, Agakon Mo Ako

O Ginoo, agakon Mo ako

O Ginoo, dungga ang pagtuaw ko–

O Ginoo, Susihon Mo Ako

O Ginoo, susihon Mo ako

O Ginoo, Ubanan Mo Ako

O Ginoo, ubanan Mo ako,

O Jesus, ang sunod kong lakang

O Jesus, Kanimo lamang,

O Kinasingkasing Unta

O kinasingkasing unta

O mabuhi ka unta

O mabuhi ka unta

O Magbalantay,

O Magpadayon Ka

O magpadayon ka kauban ni Jesus

O manlimbasog ka–

O Ma-usa Unta Sila

“O ma-usa unta sila.”

O Modangop Ako Kaniya

O modangop ako Kaniya,

Oo, tungod man kanako

O, Pagkatam-is

O, pagkatam-is kon kita

O Si Jesus Nagatawag

O si Jesus nagatawag

O tabangan Mo kami, Dios,

O Tudloi Ako

O tudloi ako

O Tultulan Mo Ako

O tultulan Mo ako

Padak-a kanako

Padak-a kanako, Dios,

Padayon Ka sa Pagbudlay

Padayon ka sa pagbudlay

Pagkadali nga mawala

Pagkadali Nga Moagi

Pagkaputli sa manga pulong sa Dios,

Pagkaputli Sa Mga Pulong sa Dios

Pagkatam-is sa Kapahulayan

Pagkatam-is sa kapahulayan

Paglutos pagaantuson,

Pagtukaw uban sa pag-ampo,

Pahimuslan ang Panahon

Pahimuslan ang panahon,

Pahulay Mo ihatag kanako

Palit sa bulawang lunsay

Panahon sa Panalangin

Panahon sa panalangin

Pangusgan Mo Pagkupot

Pangusgan mo pagkupot kang Jesus, O kalag ko—

Pas-anon Mo ang Imong Kruz

“Pas-anon mo ang imong kruz.”

Patalinghugan Ninyo

Patalinghugan ninyo

Patalinghugi si Jesus

Patalinghugi si Jesus,

Precious Gold

Pre-cious gold must have its fi-ery tri-al,

Privilegio Kong Magbudlay

Privilegio kong magbudlay

Pulong ni Jesus, tam-is ug putli—

Sa adlaw ug gabii

Sa Among Tigum

Sa among tigum,

Sa atong pagpakigbisog

Sa gipamalandong mo

Sa gugma gisalipdan sa Amahan

Sa halayo ako sa Dios,

Sa kalipayg kasubo nagatukod ta

Sa kalomo nagatawag si Jesus

Sa kalomo S'ya nag-ingon,

Sa kalooy, si Jesus,

Sa kanunay nagaampo,

Sa Langit, Dios May Bahandi

Sa langit, Dios may bahandi,

Sa lungsod sa Bag-ong Jerusalem

Sa miaging kinabuhi

Samtang ang adlaw nagaagi,

Samtang kami nagasimba

Samtang may kinabuhi ka

Sa Panahong Mangitngit

Sa panahong mangitngit,

Sa panig-ingnan Mo, Jesus,

“Sa puy-anan,

Sa Takna

Sa Tanan Kong Buling

Sa tanan kong buling

Sa Tiilan ni Jesus

Si Jesus ang Dalangpanan Ko

Si Jesus ang dalangpanan ko,

Si Jesus ang Magmamando,

Si Jesus ang naghuwas

Si Jesus Dili Magbag-o

Si Jesus Gahapon

Si Jesus gahapon,

Si Jesus Lang ang Balita

Si Jesus lang ang balita

Si Jesus, Mao S'ya

Si Jesus nga Manunubos

Si Jesus nga Manunubos

Si Jesus Pilion Ko

Si Jesus, sa mapailubon

Si Jesus, Siya Lamang

Si Jesus, Siya lamang:

Si Jesus ug Siya lamang

Siya maoy kauban ko.

Siyang nagahari, panalanginan ka:

Sumunod Kanako

“Sumunod Kanako.”

S’ya ang akong panig-ingnan

S’ya nga akong gitoohan.

S’yang Akong Katagbawan

Tabangan Mo Kami, O Dios

Tabangan Mo kami, O Dios.

Tabangi ako, Ginoo.

Takus Ka, O Jesu-Cristo

Takus Ka, O Jesu-Cristo.

Tudloan Mo Akong Mag-ampo

Tudloan Mo akong mag-ampo.

Tudloi kami

Tudloi Kami Nga Manag-ampo

Tungod Ba Gayud Kanako?

Tungod ba gayud kanako

Tungod sa manga palas-anon.

Ubanan Mo ako, Jesus.

Umalabot di ko makita.

“Umari ka, moduol na.

Umari Kamo Ug Pamahulay

“Umari kamo ug pamahulay.

“Umari ka,” Pagdapit ni Jesus

“Umari ka,” pagdapit ni Jesus.

Unsay Kapuslanan?

Unsay kapuslanan

Usa ka kinabuhi

Usa Lang Ang Kinabuhi Ko

Usa lang ang kinabuhi ko.

Wala akoy higala sama kang Jesus:

Wala akoy kahadlok

Wala Bay Kahayag?

“Wala bay kahayag.” tuaw sa kalag.

Wala Kahay Motabang?

Wala Ko Masayri Ngano

Wala ko masayri ngano

Wala Man Gayuy Kadaugan

Wala man gayuy kadaugan

Walay lain nga bililhon